



觀古堂砂書

十二

1 曾 4
459
12



門
號
卷



傅子

光緒壬寅八月
長沙葉氏輯刊

傅子敘

晉傅玄字休奕北地泥陽人官至司隸校尉封鶉觚男進
封子見晉書本傳傳稱玄撰論經國九流及三史故事評
斷得失各爲區別名爲傅子爲內外中篇凡有四部六錄
合百四十首初作內篇成以示司徒王沈沈與玄書曰省
足下所著書言富理濟經綸國體存重儒風足以塞楊墨
之流遁齊孫孟於往代其爲當時推重如此隋書經籍志
子雜家著錄傅子一百二十卷新舊唐志同馬總意林所載篇
數與隋志同是唐人所見尙是完本至宋崇文總目所載
僅五卷凡二十三篇是時已亡其一百十七篇鄭樵通志
高似孫子
略載傅子一百二十卷乃
襲隋志之文非見原書也而晁公武郡齋讀書志陳振孫

直齋書錄解題並無其目尤延之遂初堂書目雖入載而卷帙不詳則其書蓋缺于北宋而微于南宋矣明永樂大典書目乙韻下載有傅子無卷數今世武英殿一卷本即從此出余讀唐人羣書治要所載傅子攷其篇次雖分二十七段以文義相連綴實祇二十三篇知宋以來所存二十三篇並不能溢出治要以外也以大典本校治要治要少官人及鏡總敘二篇初疑明人所見之書不應多于唐宋及讀初學記鏡部總敘引韓子文乃知大典誤以韓子為傅子並誤以總敘為篇名又讀宋本意林引官人篇語今本屏入楊泉物理論知大典即從此鈔撮而出其附錄六條或見于三國志注意林藝文類聚太平御覽諸書大抵由於鬻

販非所見本多於唐宋也今依治要文次以大典篇名輯成二十二篇又無篇名者二篇益以水經注之宮室藝文類聚之釋法共得二十六篇又從裴松之三國志注劉孝標世說新語注劉昭續漢書注沈約宋書孔穎達書正義杜佑通典劉知幾史通馬總意林趙蕤長短經李善文選注釋道世法苑珠林虞世南原本北堂書鈔歐陽詢藝文類聚徐堅初學記白孔六帖太平御覽吳淑事類賦王應麟困學紀聞諸書輯錄二百餘條略消重複編為三卷其有疑義別為考證附於後今世所行武英殿本意林傅子與楊泉物理論互溷孫星衍輯楊泉物理論以楊泉多引傅子其時亦僅據此本輯錄未考也今據宋本逐條入載其有與各書錯見者先後刪併存于

傳子第
注中以免煩亂太平御覽所存傅子往往多出於治要蓋猶修文殿之舊至吳事類孔六帖困學紀聞皆輾轉從他書傳引不足據也傅子隋唐志及宋崇文總目宋史藝文志入雜家最合流別今四庫入儒家則以所存二十餘篇皆關切治道闡啟儒風故進而與中論中說相參乘歟光緒十七年辛卯歲冬十二月除夕葉德輝敘

傅子篇目

- 卷一 治體第一 舉賢第二 授職第三 校工第四 檢商賈第五 仁論第六 義信第七 禮樂第八 法刑第九 重爵祿第十 平役賦第十一 貴教第十二 戒言第十三 正心第十四 通志第十五 曲制第十六 安民第十七 〇〇第十八 八 問政第十九 問刑第二十 信直第二十一 矯違第二十二 〇〇第二十三 假言第二十四 宮室第二十五 釋法第二十六

高室策二十正	○
獻獻策二十二	○
八問題策十八	○
策十五	○
貴煥策十二	○
策八	○
四 劍商賈策正	○
策一	○

傅子卷一

晉傅玄撰

長沙葉德輝撰輯

治體

治國有二柄一曰賞二曰罰賞者政之大德也罰者政之大威也人所以畏天地者以其能生而殺之也為治審持二柄能使生殺不妄則其威德與天地並矣永樂大典本至此止信順者天地之正道也詐逆者天地之邪路也民之所好莫甚于生所惡莫甚于死善治民者開其正道因所好而賞之則民樂其德也塞其邪路因所惡而罰之則民畏其威矣善賞者賞一善而天下之善皆勸善罰者罰一惡而天下之惡皆懼者何原本書鈔三十引云賞一人天下勸宋本意林五引云善賞者賞一善而天下

傳子卷一
之善皆勸善罰者罰一賞公而罰不貳也有善雖疏賤必

惡而天下之惡皆除矣
賞有惡雖貴近必誅可不謂公而不貳乎若賞一無功則
天下飾詐矣罰一無罪則天下懷疑矣是以明德慎賞而
不宥輕之明德慎罰而不肯忽之夫威德者相須而濟者
也故獨任威刑而無德惠則民不樂生獨任德惠而無威
刑則民不畏死民不樂生不可得而教也民不畏死不可
得而制也有國立政能使其民可教可制者其唯威德足
以相濟者乎

羣書治要 永樂大典本次第十四

舉賢

賢者聖人所與其治天下者也故先王以舉賢爲急舉賢
之本莫大正身而壹其聽身不正聽不壹則賢者不至雖

至不爲之用矣古之明君簡天下之良材舉天下之賢人
豈家至而戶閱之乎開至公之路秉至平之心執大象而
致之亦云誠而已矣夫任誠天地可感而況於人乎傳說
巖下之築夫也高宗引而相之呂尙屠釣之賤老也文武
尊而宗之陳平項氏之亡臣也高祖以爲腹心四君不以
小疵忘大德三臣不以疏賤而自疑其建帝王之業不亦
宜乎文王內舉周公旦天下不以爲私其子外舉太公望
天下稱其公周公誅弟而典刑立桓公任讎而齊國治苟
其無私他人之與骨肉其於誅賞豈二法哉唯至公然後
可以舉賢也夏禹有言知人則哲惟帝其難之因斯以談
君莫賢於高祖臣莫奇於韓信高祖在巴漢困矣韓信去

楚而亡窮矣夫以高祖之明困而思士信之奇材窮而願進其相遭也宜萬里響應不移景而相取矣然信歸漢歷時而不見知非徒不見知而已又將按法而誅之向不遇滕公則身不免于戮死不值蕭何則終不離于亡命幸而得存固水濱之餓夫市中之怯子又安得市人可驅而立乎天下之功也哉蕭何一言而不世之交合定傾之功立豈蕭何知人之明絕于高祖而韓信求進之意曲于蕭何乎尊卑之勢異而高下之處殊也高祖勢尊而處高故思進者難蕭何勢卑而處下故自納者易然則居尊高之位者其接人之道固難而在卑下之地者其相知之道固易矣昔人知居上取士之難故虛心而下聽知在下相接之

易故因人以致人舜之舉咎陶難得咎陶致天下之士易湯之舉伊尹難得伊尹致天下之士易故舉一人而聽之者王道也舉二人而聽之者霸道也舉三人而聽之者僅存之道也聽一人何以王也任明而致信也聽二人何以霸也任術而設疑也聽三人何以僅存也從二而求一也明主任人之道專致人之道博任人之道專故邪不得聞致人之道博故下無所壅任人之道不專則讒說起而異心生致人之道不博則殊塗塞而良材屈使舜未得咎陶湯未得伊尹而不求賢則上下不交而大業廢矣既得咎陶既得伊尹而又人人自用是代大匠斲也君臣易位勞神之道也今之人或抵掌而言稱古多賢患世無人退不自三省而坐誣一世豈不甚

耶宋本意林五引云今人稱古多賢患世無人退不三思坐語一世豈不惑耶夫聖人者不世而

出者也賢能之士何世無之何以知其然舜興而五臣顯武

王興而九賢進齊桓之霸管仲為之謀秦孝之強商君佐之

以法欲王則王佐至欲霸則霸臣出欲富國強兵則富國強

兵之人往求無不得唱無不和是以天下之不乏賢也顧求

不求耳何憂天下之無人乎羣書治要 永樂大典本次第五

授職

夫裁徑尺之帛刊方寸之木不任左右必求良工者裁帛

刊木非左右之所能故也徑尺之帛方寸之木薄物也非

良工不能裁之況帝王之佐經國之任可不審擇其人乎

故構大廈者先擇匠然後簡材治國家者先擇佐然後定

民宋本意林五引云構大廈者先擇匠而後簡材治國家者先擇佐而後定名大匠構屋必大

材為棟梁小材為榱椽苟有所中尺寸之木無棄也非獨

屋有棟梁國家亦然大德為宰相此國之棟梁也審其棟

梁則經國之本立矣經國之本立則庶官無曠而天工時

敘矣羣書治要 永樂大典本次第十五

校工

天下之害莫甚于女飭上之人不節其耳目之欲殫生民

之巧以極天下之變一首之飾盈千金之價婢妾之服兼

四海之珍宋本意林五引云天下之害莫害于女飾一頭之飾盈千金之價婢妾之服亦重四海之珍

縱欲者無窮用力大典本者有盡用有盡之力逞無窮之

欲此漢靈之所以失其民也上欲無節眾下肆情淫參並

興而百姓受其殃毒矣嘗見漢末一筆之柙雕以黃金飾以和璧綴以隨珠發以翠羽此筆非文犀之植必象齒之

管豐狐之柱秋兔之翰用之者必被珠繡之衣踐雕玉之

履原本北堂書鈔百四引云漢末一筆之柙雕以黃金飾以和璧綴以隨珠發以翠羽此筆非文犀之植必象齒之

之柙雕以黃金飾以和璧綴以隨珠文以翡翠此筆非文犀之植必象齒之

百五引云漢末一筆之匣雕以黃金飾以和璧綴以隨珠文以翡翠此筆非文犀之植必象齒之

秋兔之翰用之者必被珠繡之衣踐雕玉之履矣由是

推之其極靡不至矣然公卿大夫刻石為碑鐫石為虎碑

虎崇偽陳于三衢妨功喪德異端並起宋本意林五引公卿至並起止兩為

字均眾邪之亂正豈不哀哉夫經國立功之道有二一曰

息欲二曰明制欲息制明天下定矣羣書治要 永樂大典本次第十六

檢商賈

夫商賈者所以伸盈虛而獲天地之利通有無而壹四海之財其人可甚賤而其業不可廢蓋眾利之所充而積偽之所生不可不審察也古者民樸而化淳上少欲而下勤偽衣足以暖身食足以充口器足以給用居足以避風雨養以大道而民樂其生敦以大質而下無逸心日中為市民交易而退各得其所蓋化淳也暨周世殷盛承變極文而重為之防國有定制下供常事役賦有恆而業不廢君臣相與一體上下譬之形影官恕民忠而恩侔父子上不徵非常之物下不供非常之求君不索無用之寶民不輕無用之貨自公侯至于皂隸僕妾尊卑殊禮貴賤異等萬

機運于上百事動于下而六合晏如者分數定也夫神農

正其綱先之以無欲而咸安其道周綜其目壹之以中正

而民不越法大典本無法字及秦亂四民而廢常賤競逐未利而

弃本業大典本脫而廢苟合大典本壹切之風起矣于是

士樹茲于朝賈窮偽于市臣挾邪以罔治要作內從其君

子懷利以詐其父一人唱欲而億兆和上逞無厭之欲下

充無極之求都有專市之賈邑有傾世之商商賈富乎大典

本乎公室農夫伏於隴畝而墮溝壑上愈增無常之好以

徵下下窮死而不知所歸哀夫且大典本作而不知歸末

流濫溢而本源竭纖靡盈市而穀帛罄其勢然也古者者

治要無據言非典義學士不以經心經心大典事非田桑

大典本增

農夫不以亂業器非時用工人不以措手物非世資商賈

不以適市大典本作過市士思其訓農思其務工思其用賈思其

常是以上用足而下不匱大典本作是以故壹野不如壹

市壹市不如壹朝壹朝不如壹用壹用不如上息欲上息

欲而下反真矣不息欲于上而欲求下之安靜此猶縱火

焚林而索原野之不彫瘁難矣故明君止欲而寬下急商

而緩農貴本而賤末朝無蔽賢之臣市無專利之賈國無

擅山澤之民一臣蔽賢則上下之道壅商賈專利則四方

之資困民擅山澤則兼并之路開而上以無常役下賦一

物非民所生而請于商賈則民財暴賤民財暴賤而非常

暴貴非常暴貴則本竭而未盈末盈本竭而國富民安未

之有矣

羣書治要 永樂大典本 第九

仁論

昔者聖人之崇仁也將以興天下之利也利或不興須仁以濟天下有不得其所若已推而委之於溝壑然夫仁者蓋推己以及人也故己所不欲無施于人推己所欲以及天下推己心孝于父母以及天下則天下之為人子者不失其事親之道矣推己心有樂于妻子以及天下則天下之為人父疑夫者不失其室家之歡矣推己之不忍于饑寒以及天下之心含生無凍餒之憂矣此三者非難見之理非難行之事唯不內推其心以恕乎人未之思耳夫何遠之有哉古之仁人推所好以訓天下而民莫不尚德推

所惡以誠天下而民莫不知恥孔子曰仁遠乎哉我欲仁

斯仁至矣此之謂也若子方惠及於老馬西巴不忍而放

麀皆仁之端也推而廣之可以及乎遠矣羣書治要 永樂大典本 從古

之仁人起至莫不知恥止下接有或曰恥者一段係申鑒文今刪去附入攷證

義信

蓋天地著信而四時不悖日月著信而昏明有常王者體信而萬國以安諸侯秉信而境內以和君子履信而厥身以立古之聖君賢佐將化世美俗去信須臾而能安上治民者未之有也夫象天則地履信思順以壹天下此王者之信也據法持正行以不貳此諸侯之信也言出乎口結乎心守以不移以立其身此君子之信也講信修義而人

道定矣若君不信以御臣臣不信以奉君父不信以教子
 子不信以事父夫不信以遇婦婦不信以承夫則君臣相
 疑于朝父子相疑于家夫婦相疑于室矣小大混然而懷
 奸心大典本心作謀上下紛然而競相欺人倫於是亡矣夫信由
 上而結者也故君以信訓其臣則臣以信忠其君父以信
 誨其子則子以信孝其父夫以信先其婦則婦以信順其
 夫上乘常以化下下服常而應上其不化者百未有一也
 夫為人上竭至誠開信以待下則懷信者歡然而樂進不
 信者赧然而回意矣老子不云乎信不足焉有不信也故
 以信待人不信思信不信待人信斯不信況本無信者乎
 先王欲下之信也故示之以欵誠而民莫欺其上申之以

禮教而民篤于義矣夫以上接下而以不信隨之是亦日
 夜見災也周幽以詭烽滅國齊襄以瓜時致殺非其顯乎
 故禍莫大于無信無信則不知所親不知所親則左右盡
 盡盡治要作書誤茲茲从大典本改己之所疑況天下乎信者亦疑不信亦疑
 則忠誠者喪心而結舌懷姦者飾邪以自納此無信之禍
 也羣書治要 永樂大典本次第三

禮樂

傅子曰能以禮教興天下者其知大本之所立乎夫大本
 者與天地並存與人道俱設雖蔽天地不可以質文損益
 變也大本有三一曰君臣以立邦國二曰父子以定家室
 三曰夫婦以別內外三本者立則天下正三本不立則天

下不可得而正天下不可得而正則有國有家者亟亡而

立人之道廢矣禮之大本存乎三者可不謂之近乎用之

而蔽天地可不謂之遠乎由近以知遠推己以況人此禮

之情也治要傅子曰起至此止為一段下商君云云提行別作一段大典本二段相連商君始殘

禮樂至乎始皇遂滅其制賊賊治要作賤九族破五教獨任其

威刑酷暴之政內去禮義之教外無列國之輔日縱桀紂

之淫樂君臣競留意于刑書雖荷戟百萬大典本此下誤衍方字石

城造天威凌滄海胡越不動身死未收姦謀內發而太大典

本脫天威至而子已死于外矣胡亥不覺二年而滅曾無

盡忠效節之臣以救其難豈非敬義不立和愛先亡之禍

大典本禍作分也哉禮義者先王之藩衛也秦廢禮義是去其藩

衛也夫齋不訾之寶獨宿于野其為危敗甚于累卵方之

于秦猶有泰山之安易曰上慢下暴盜思代大典本代作伐之其

秦之謂與羣書治要永樂大典本次第七

法刑

立善防惡謂之禮禁非立是謂之法法者所以正不法也

明書禁令曰法誅殺威罰曰刑治世之民從善者多上立

德而下服其化故先禮而後刑也亂世之民從善者少上

不能以德化之故先刑而後禮也周書曰小乃不可不殺

乃有大罪非終乃惟眚戕然則心惡者雖小必誅意善過

誤雖大必赦此先王所以立刑法之本也禮法殊塗而同

歸賞刑遞用而相濟矣是故聖帝明王惟刑之恤惟敬五

刑以成三德若乃暴君昏主刑殘法酷作五虐之刑設炮烙之辟而天下之民無所措其手足矣故聖人傷之乃建三典殊其輕重以定厥中司寇行刑君爲之不舉樂哀矜之心至也八辟議其故而宥之仁愛之情篤也柔愿之主聞先王之有哀矜仁愛議獄緩死也則妄輕其刑而赦元惡刑妄輕則威政墮而法易犯元惡赦則姦人興而善人困剛猛之主聞先王之以五刑紮萬民舜誅四凶而天下服也於是峻法酷刑以侮天下罪連三族戮及善民無辜而死者過半矣下民怨而思叛諸侯乘其弊而起萬乘之主死于人手者失其道也齊秦之君所以威制天下而或不能自保其身何也法峻而教不設也未儒見峻法之生

叛則去法而純仁偏法見弱法之失政則去仁而法刑此法所以世輕世重而恆失其中也

羣書治要 永樂大典 本次第二十二祇是故

聖帝明王至無所措其手足矣一段無前後文

重爵祿

爵祿者國柄之本而貴富之所由不可以不重也然則爵非德不授祿非功不與二教既立則良士不敢以賤德受貴爵勞臣不敢以微功受重祿况無德無功而敢大典本脫以微輕矣夫爵者位之級而祿者官之實也級有等而稱其位實足利而周其官此立爵祿之分也爵祿之分定必明選其人而重用之德貴功多者受重爵大位厚祿尊官德淺

功寡者受輕爵小位薄祿卑官厚足以衛治要宗黨薄足

以代其耕居官奉職者坐大典本而食于人既食于人大典

本脫既食于人四字不敢以私利經心既受祿于官而或營私利大典

本脫則公法繩之于上而顯議廢大典本之于下是以仁

讓之教存廉恥之化行貪鄙之路塞嗜欲之情滅百官各

敬其職大臣論道于朝公議日興而私利日廢矣明君大典

本君必順大典本善制而後致治非善制之能獨治也必

須良佐有以行之也故大典本治其民而不省其事則事

繁而職亂知省其職而不知節其吏大典本厚其祿也則

天大典本下力既竭而上猶未供薄其祿也則吏競背公

義大典本營私利此教之所以必廢而不行也凡欲為治

者無不欲其吏之清也而不知所以致清而求其清此猶

渾治要其源而望其流之潔也知所以致清則雖舉盜跖

不敢為非不知所以致清則雖舉夷叔必犯其制矣夫授

夷叔以事而薄其祿近不足以濟其身遠不足以及室家

父母餓於前妻子餒於後不營則骨肉之道虧營之則奉

公之制犯骨肉之道虧則怨毒之心生怨毒之心生大典

此則仁義之理衰矣使夷叔有父母存無以致養必不採

薇於首陽顧公制而守死矣由此言之吏祿不重則夷叔

必犯矣夫弃家門委身於公朝榮不足以庇宗人祿不足

以濟家室骨肉怨於內交黨離於外仁孝之道虧名譽之

利損能守志而不移者鮮矣人治要無此字主不詳察聞

其怨興於內而交離於外薄其名必時大典本黜其身矣

家困而身黜不移之士不顧私門大典本之怨不憚遠近

之謫死而後已不改其行上不見信於君下不見明於俗

遂委死溝壑而莫之能知也豈不悲夫天下知為清之若

此則改行而從俗矣清者化而為濁善者變而陷於非若

此而能以致治者未之聞也羣書治要 永樂大典本次第六

平役賦

昔先王之興役賦所以安上濟下盡利用之宜是故隨時
質文不過其節計民豐約而平均之使力足以供事財足
以周用乃立壹定之制以為常典甸都有常分諸侯有常
職焉萬國致其貢器用殊其物上不興非常之賦下不進

非常之貢上下同心以奉常教民雖輸力致財而莫怨其
上者所務公而制有常也戰國之際弃德任威競相吞代
而天下之民困矣秦并海內遂滅先王之制行其暴政內
造阿房之宮繼以驪山之役外築長城之限重以百越之
戍賦過大半傾天下之財不足以盈其欲役及閭左竭天
下之力不足以周其事於是蓄怨積憤同聲而起陳涉項
梁之疇奮劍大呼而天下之民響應以從之驪山之基未
閉而敵國已收其圖籍矣昔者東野畢御盡其馬之力而
顏回知其必敗况御天下而可盡人之力也哉夫用人之
力歲不過三日者謂治平無事之世故周之典制載焉若
黃帝之時外有赤帝蚩尤之難內設舟車門衛甲兵之備

六興大役再行天誅居無安處卽天下之民亦不得不勞也勞而不怨用之至平也禹鑿龍門闢伊闕築九山滌百川過門不入薄飲食卑宮室以率先天下天下樂盡其力而不敢辭勞者儉而有節所趨公也故世有事卽役煩而賦重世無事卽役簡而賦輕役簡賦輕則奉上之禮宜崇國家之制宜備此周公所以定六典也役煩賦重卽上宜損制以恤其下事宜從省以致其用此黃帝夏禹之所以成其功也後之爲政思黃帝之至平夏禹之積儉周制之有常隨時損益而息耗之庶幾雖勞而不怨矣

羣書治要永樂大

典本次第二十三文義不全只中間上不以非常之賦至所務公而制有常也一段

貴教

虎至猛也可畏而服鹿至羸也可教而使木至勁也可柔而屈石至堅也可消而用況人含五常之性有善可因有惡可改大典本者乎人之所重莫重乎身貴教之道行士有仗節成義死而不顧者矣此先王因善教義因義而立禮者也因善教義故義成而教行因義立禮故禮設而義通若夫商韓孫吳知人性之貪得樂進而不知兼濟其善于是束之以法要之以功使下唯力是恃唯爭是務恃力務爭至有探湯赴火而忘其身者好利之心獨用也人懷好利之心則善端沒矣中國所以常制四夸者禮義之教行也失其所以教則同乎夷狄治要無此字據矣失其所以同則同乎禽獸矣不唯同乎禽獸亂將甚焉何者禽獸

保其性然者也人以智役力者也智役力而無教節是智巧日用而相殘無極也相殘無極亂孰大焉不濟其善而唯力是恃其不大亂幾希耳人之性避害從利故利出於禮讓則修禮讓利出于力爭則任力爭修禮讓則上安下順而無侵奪任力爭則父子幾乎相危而況於悠悠者乎

羣書治要 永樂大典本次第八

戒言

上好德則下修行上好言則下飾辯修行則仁義興焉飾辯則大偽起焉大典本脫修行則仁義興焉飾辯則十字此必然之徵也德者難成而難見者也言者易撰而易悅者也先王知言之易而悅之者眾故不尚焉不尊賢尚德舉善以教而以一言

之悅取人則天下之弃德飾辯以要其上者不尠矣何者德難爲而言易飾也夫貪榮重利常人之性也上之所好榮利存焉故上好之下必趣之趣之不已雖死不避也先王知人有好善尚德之性而又貪榮而重利故貴其所尚而抑其所貪貴其所尚故禮讓興抑其所貪故廉恥存夫榮利者可抑而不可絕也故明爲顯名高位豐祿厚賞使天下希而慕之不修行崇德則不得此名不居此位不食此祿不獲此賞此先王立教之大體也夫德修之難不積其實不成其名夫言撰之易合所悅而大用修之不久所悅無常故君子不貴也羣書治要 永樂大典本次第十一

正心

立德之本莫尚乎正心心正而後身正身正而後左右正
左右正而後朝廷正朝廷正而後國家正國家正而後天
下正故天下不正修之國家國家不正修之朝廷朝廷不
正修之左右左右不正修之身身不正修之心所修彌近
而所濟彌遠禹湯罪己其興也勃焉正心之謂也心者神
明之主萬理之統動而不失正天地大典本地作下可感而況于
人乎況于萬物乎夫有正心必有正德以正德臨民猶樹
表望影不令而行大雅云儀刑文王萬邦作孚此之謂也
有邪心必有枉行以枉行臨民猶樹曲表而望其影之直
若乃身坐廊廟之內意馳雲夢之野臨朝宰事情繫曲房
之娛大典本臨朝大典本心與體離情與志乖形神且不相保孰

左右之能正乎哉忠正仁理存乎心則萬品不失其倫矣
禮度儀法存乎體則遠邇內外咸知所象矣古之大君子
修身治人先正其心自得而已矣能自得則無不得矣苟
自失則無不失矣無不得者治天下有餘故否則保身居
正終年不失其和達則兼善天下物無不得其所無不失
者營妻子不足故否則是己非人而禍逮乎其身達則縱
情用物而殃及乎天下昔者有虞氏彈五弦之琴而天下
樂其和者自得也秦始皇築長城之塞大典本以爲固禍
機發于左右者自失也夫推心以及人而四海蒙其佑則
文王其人也大典本脫不推心慮大典本夫用天下則
左右不可保亡秦是也秦之賦大典本君目玩傾城之色

天下男女怨曠而不肯恤也耳淫亡國之聲天下小大哀
 怨而不知撫也意盈四海之外口窮天下之味宮室造天
 而起萬國為之癩瘁猶未足以逞其欲唯不推心以況人
 故視用人大典本作如用草芥使用人如用己惡有不得
 其性者乎古之達治者知心為萬事主動而無節則亂故
 先正其心其心正于內而後動靜不妄大典本此句下重
 以率先大典本天下而後天下履正而咸保其性也斯遠
 乎哉求之心而已矣羣書治要 永樂大典本次第一

通志

夫能通天下之志者莫大乎至公能行至公者莫要乎無
 忌唯至公故近者安焉遠者歸焉枉直取正而天下信之

唯無忌心故進者自盡而退不懷疑其道泰然浸潤之譖
 不敢干也虞書曰闢四門則天下之人輻湊其庭矣明四
 目則天下之人樂為之視矣達四聰則天下之人樂為之
 聽矣江海所以能為百谷王者以其不逆之也苟有所逆
 眾流之不至者多矣眾流不至者多則無以成其深矣夫
 有公心必有公道宋本意林引此二句有公道必有公制丹朱商均
 子也不肖堯舜黜之管叔蔡叔弟也為惡周公誅之苟不
 善雖子弟不赦則於天下無所私矣鯀亂政舜殛之禹聖
 明舉用之戮其父而授其子則於天下無所忌矣石厚子
 也石碯誅之冀缺雖也晉侯舉之是之謂公道未大典本
 在人上天下皆樂為之用無遠無近苟所懷得達大典本

下有無死命可致也唯患眾流異源清濁不同愛惡相攻

近二字而大典本此下有親大典本疏黨別上之人或有所好大典

本脫所所好之流獨進而所不好之流退矣通者一而塞

者萬則公道廢而利大典本道行矣於是天下之志塞而

不通欲自納者因左右而達則權移左右而上勢分矣昧

于利者知趣左右之必通必變業以求進矣昧利者變業

而黨成正士守志而日否則雖見者盈庭而上之所開大典

本作實寡外倦于人而內寡間間疑誤大典此自閉之道

也故先王之教進賢者為上賞蔽賢者為上戮順理者進

逆法者誅設誹謗之木容狂狷之人任公而去私內怨而

無忌是之謂公制也公道行則天下之志通公制立而私

曲之情塞矣羣書治要此篇至此止下文凡有血氣云云

為一篇故從凡有血氣苟不相順皆有爭心隱而難分微

而害深者莫甚於言矣君人者將和眾定民而殊其善惡

以通天下之志者也聞言不可不審也聞言未審而以定

善惡則是非有錯而飾辯巧言之流起矣故聽言不如觀

事觀事不如觀行聽言必審其本觀事必按其實觀行必

攷其迹參三者而詳之近少失矣問曰漢之官制皆用秦

法秦不二世而滅漢二十餘世而後亡者何也答曰其制

則同用之則異秦任私而有忌心法峻而惡聞其失任私

者怨有忌心則天下疑法峻則民不順之惡聞其失則過

不上聞此秦之所以不二世而滅也漢初入秦約法三章

論功定賞先封所憎約法三章公而簡也先封所憎大典本脫

此三無忌也雖網漏吞舟而百姓安之者能通天下之志

得其略也世尚大典本尚字簡尊儒貴學政雖有失能容

直臣簡則不苟寬則眾歸之尊儒貴學則民篤于義能容

直臣則上之失不害于下而民之所患上聞矣自非聖人

焉大典本此無失失而能改則所失少矣心以為是故言

行由之其或不是不自知也先王患人之不自知其失而

處尊者天下之命在大典本焉順之則生逆之則死順而

無節則諂大典本諛進逆而畏死則直道屈明主患諛已

者眾而無由聞失也故開敢諫之路納逆已之言苟所言

出于忠誠雖事不盡是猶歡然受治要無此字之所通直

言之塗引而致之非為名也以為直言不聞則已之耳目

塞耳目塞于內諛者順之于外此三季所以至亡而不自

知也周昌比漢高于桀紂而高祖託以愛子周亞夫申軍

令而太宗為之不驅朱雲折檻辛慶忌叩頭流血斯乃寬

簡之風漢所以歷年四百也羣書治要永樂

大典本次第四

天下之福莫大於無欲天下之禍莫大於不知足無欲則

無求無求者所以成其儉也不知足則物莫能盈其欲矣

莫能盈其欲則雖有天下所求無已所欲無極矣海內之

物不益萬民之力有盡縱無已之求以滅不益之物逞無

極之欲而役有盡之力此殷士所以倒戈於牧野秦民所

曲制

以不期而周治要原校云周疑同今按禮檀弓上四者皆周鄭注云周匝也說文解字云周密也是周

叛義與同叛相近不必改周為同也 叛曲論之好奢而不足者豈非天下之

大禍邪羣書治要永樂大典本次弟十七文義不全祇天下之福至則物莫能盈其欲矣一段

安民

民富則安貧則危明主之治也分其業而壹其事業分則不相亂事壹則各盡其力而不相亂則民必安矣重親民之吏而不數遷重則樂其職不數遷則志不流于他官樂其職而志不流于他官則盡心恤其下盡心以恤其下則民必安矣附法以寬民者賞尅法以要名者誅寬民者賞則法不虧于下尅民者誅而名不亂于上則民必安矣量時而置官則吏省而民供吏省則精精則當才而不遺力

民則供順供順則思義而不背上上愛其下下樂其上則民必安矣篤鄉閭之教則民存知相恤而亡知相救存相恤而亡相救則鄰居相恃懷土而無遷志鄰居相恃懷土無遷志則民必安矣度時宜而立制量民力以役賦役賦有常上無橫求則事事有儲而并兼之隙塞事有儲并兼之隙塞則民必安矣圖遠必驗之近興事必度之民知稼穡之艱難重用其民如保赤子則民必安矣職業無分事務不壹職荒事廢相督不已若是者民危親民之吏不重有資者無勞而數遷競營私以害公飾虛以求進仕宦如寄視用其民如用路人若是者民危以法寬民者不賞尅民為能者必進下力盡矣而用之不已若是者民危吏多

而民不能供上下不相樂若是者民危鄉閭無教存不相恤而亡不相救若是者民危不度時而立制不量民而役賦無常橫求相仍弱窮迫不堪其命若是者民危視遠而忘近興事不度于民不知稼穡之艱難而轉用之如是者民危安民而上危民危而上安者未之有也虞書曰安民則惠黎民懷之其為治之要乎今之刺史古之牧伯也今之郡縣古之諸侯也州總其統郡舉其綱縣理其目各職守不得相干治之經也夫彈枉正邪糾其不法擊一以警百者刺史之職也比物投成考定能否均其勞逸同其得失有大不可而後舉之者太守之職也親民授業平理百事猛以威吏寬以容民者令長之職也然則令長者最親

民之吏百姓之命也國以民為本親民之吏不可以不畱

意也

羣書治要 永樂大典本次第二十一文義不全祇夫彈枉正邪至刺史之職也四句

□□篇名無考

傅子曰利天下者天下亦利

據下文天下亦害之句此下疑脫之字

害天下

者天下亦害之利則利害則害無有幽深隱微無不報也

仁人在位常為天下所歸者無他也善為天下興利而已

矣

羣書治要 永樂大典本無 德輝按宋王堯臣等崇文總目著錄傅子二十三篇治要多此篇文亦疑不全則此篇或即土

安民篇末段也

問政

劉子問政傅子曰政在去私私不去則公道亡公道亡則

禮教無所立禮教無所立則刑賞

大典本作罰下並同

不用情刑賞

不用情而下從之者未之有也夫去私者所以立公道也

唯公然後可正天下傅子曰大典本無此三字善為政者天地不

能害也而況于人乎堯水湯旱而民無大典本無此三字菜色猶太

平也不亦美乎晉饑矣大典本無此三字秦越治要原校云越恐當作所禽大典本無此字人且害之而況於天地乎羣

治要永樂大典本第十三次問刑

傅子曰大典本無此三字秦始皇之無道豈不甚哉視殺人如殺

狗彘狗彘仁人用之猶有節始皇之殺人觸情而已其不

以道如是而李斯又深刑峻法隨其指而妄殺人秦不二

世而滅李斯無遺類以不道遇大典本無此字人人亦以不道報

之人讎之天絕之行無道未有不亡者也或曰漢太宗除

肉刑可謂仁乎傅子曰匹夫之仁非王天下之仁也夫王

天下者大有濟者也非小不忍之謂也先王之制殺人者

死故生者懼傷人者殘其體故終身懲所刑者寡而所濟

者眾故天下稱仁焉今不忍殘人之體而忍殺之既不類

傷人刑輕是失其所以懲也失其所以懲則易傷人人易

相傷亂之漸也猶有不忍人心故曰匹夫之仁也羣書治

樂大典本次二十無或曰漢太宗以下一段宋本意林五

引云漢太宗除肉刑匹夫之仁也非天下之仁也不忍殘

人之體而忍殺人故曰匹夫

信直

傅子曰古之賢君樂聞其過故直言得至以補其闕古之

忠臣不敢隱君之過故有過者知所以改其戒大典本不

改以死繼之不亦至直乎治要傅子曰起至此止為一段

又作一段大典本無傅子曰大典本無至哉季文子之事君

也使惡人不得行其境內況在其君之側乎推公心而行

直道有臣若此其君稀陷乎不義矣羣書治要 永樂大典本第十八

矯違

傅子曰正道之不行常由治要無此字佞人亂之也故桀

信其佞臣推役大典本無此字侈以殺其正臣關龍逢而夏以亡

紂信其佞臣惡來以割大典本無此字其正臣王子比干之心而

殷以亡曰惑佞之不可用如此何惑者之不息也傅子曰

佞人善養人私欲也故多私欲者悅之唯聖人無私欲賢

者能去私欲也有見人之私欲必以正道矯之者正人之

徒也違正而從之者佞人之徒也自察其心斯知佞正之

分矣或問佞孰為大傅子曰行足以服俗辯足以惑眾言

必稱乎仁義隱其惡心而不可卒見伺主之欲微合之得

其志敢以非道陷善人稱之有術飾之有利非聖人不能

別此大佞也其次心不欲為仁義言亦必稱之行無大可

非動不違乎俗合主所欲而不敢正也有害之者然後陷

之最下佞者行不顧乎天下唯求主心使文巧辭自利而

已顯然善善行之不怍若四凶可謂大佞者也若安昌侯

張禹可謂次佞也若趙高石顯可謂最下佞者也大佞形

隱為害深下佞形露為害淺形露猶不別之可謂至闇也

已

羣書治要 永樂大典本第十九無曰惑
佞之不可用 如此至可謂至闇也已一段

□□無攷
篇名

治人之謂治正己之謂正人不能自治故設法以一之身
不正雖有明法即民或不從故必正己以先之也然即明
法者所以齊眾也正己者所以率人也夫法設而民從之
者得所故也法獨設而無主即不行有主而不一則勢分
一則順分則爭此自然之理也

羣書治要 永
樂大典本無

假言

天地至神不能同道而生萬物聖人至明不能一檢而治
百姓故以異致大典本同者天地之道也因物制宜者聖
人之治也既得其道雖有詭常之變長短經是非十四引
無詭常之變四字

相害之物不傷乎治體矣水火之性相滅也善用之者陳

釜鼎乎其間爨之煮之而能兩盡其用不相害也五味以

調百品以成長短經是非十
四引無此二句天下之物為水火者多矣若

施釜鼎乎其間長短經是非十
四引無此句則何憂乎相害何患乎不

盡其用也羣書治要 永樂大典本
第十二長短經是非十四

宮室

水經注引
傅子宮室

上於建章中作神明臺并榦樓咸高五十餘丈皆作懸閣

輦道相屬焉水經渭
水注

釋法

釋法任情姦佞在下多疑少決譬執腐索以御奔馬專任
刑名民不聊生通儒達道政乃昇平浩浩大海百川歸之

洋洋聖化九服仰之春風暢物秋霜肅殺同則相濟異若

胡越藝文類聚五十

四刑法部刑法

南州王宗潮初校
善化陳赤曦覆校

傅子卷二

晉傅玄撰

長沙葉德輝撰輯

太祖又云湯武之王豈同土哉若以險固為資則不能應

機而變化也陳壽魏志武帝紀注

太祖武皇帝愍嫁聚之奢僭公女適人皆以皂帳從婢不

過十人魏志武帝紀注原本北堂書抄百三十二引云

從婢十人而已藝文類聚六十九引云太祖武皇帝恐

嫁娶之僭上公主適人不過帛帳從婢十人而已太平

御覽六百九十九引同無而已字大

漢末王公多委王服以幅巾為雅是以袁紹崔豹之徒雖

為將帥皆著縑巾魏太祖以天下凶荒資財乏匱擬古皮

弁裁縑帛以為恰合于簡易隨時之義以色別其貴賤于

今施行可謂軍容非國容也

魏志武帝紀注五云漢末王公名士多委王

服以幅巾為雅是以袁紹崔鈞之徒雖為將帥皆著練巾
魏武以天下兇荒資財乏匱擬古皮弁裁練帛以為帙合
乎簡易隨時之義以色別其貴賤本施軍飾非為國容也
晉書輿服志同惟帙作幅又晉宋五行志引天下凶荒以
下帙上白字下云以易舊服傳元曰白乃軍容非國容
也崔豹之徒雖為將軍皆著練巾太祖以天下未定擬古
紹崔豹之徒雖為將軍皆著練巾太祖以天下未定擬古
皮弁裁練帛以為帙合簡易隨時之義以色別貴賤可
謂軍容非國容也太平御覽六百八十七引云漢末王
公多以幅巾為雅是以袁紹之徒雖為將帥皆著練巾又
六百八十八引云漢末魏太祖以天下兇荒資財乏匱擬
古皮弁裁練帛以為帙合簡易隨時之義以色別貴賤
于今施行可謂軍容非國容也

時太原發塚破棺棺中有一生婦人將出與語生人也送
之京師問其本事不知也視其冢上樹木可三十歲不知
此婦人三十歲常生於地中邪將一朝歛生偶與發冢者

會也

魏志明帝紀注太平御覽五百五十八引云太原
民發塚破棺棺中有婦人將出與語生人也視其冢
上木三十歲不知此婦人三十歲常生於地中也將一朝歛
然生偶與發冢者會之也

漢桓帝時大將軍梁冀以火浣布為單衣常大會賓客冀
陽爭酒失杯而污之偽怒解衣曰燒之布得火焯焯赫然

如燒凡布垢盡火滅粲然潔白若用灰水焉
魏志三少帝
紀注事類
賦十二後漢書南蠻西南夷傳注太平御覽六百九
十一引云梁冀作火浣布單衣會賓客行酒失盃而污之
偽怒解衣而燒之垢盡火滅粲然潔白又八百二十引云
長老說漢桓帝時大將軍梁冀作火浣布單衣會賓客行
酒公卿朝臣前伴爭酒失杯而污之偽怒解衣而口燒之
布得火焯焯赫然而熾如燒凡布垢盡火滅粲然潔白如
冰澣之

靈帝時榜門賣官於是太尉段熲司徒崔烈太尉樊陵司

空張温之徒皆入錢上千萬下五百萬以買三公類數征
伐有大功烈有北州重名温有傑才陵能偶時皆一時顯
士猶以貨取位而況于劉囂唐珍張顥之黨乎

魏志董卓傳注

平御覽八百廿八引云靈帝賜門
賣官崔烈入錢五百萬取司徒

初表謂嵩曰今天下大亂未知所定曹公擁天子都許君
為我觀其釁嵩對曰聖達節次守節嵩守節者也夫事君
為君君臣名定以死守之今策名委贄為將軍所命雖赴
湯蹈火死無辭也以嵩觀之曹公至明必濟天下將軍能
上順天子下歸曹公必享百世之利楚國實受其祐使嵩
可也設計未定嵩使京師天子假嵩一官則天子之臣而
將軍之故吏耳在君為君則嵩守天子之命義不得復為

將軍死也唯將軍重思無負嵩表遂使之果如所言天子
拜嵩侍中遷零陵太守還稱朝廷曹公之德也表以為懷
貳大會僚屬數百人陳兵見嵩盛怒持節將斬之數曰韓
嵩敢懷貳邪眾皆恐欲令嵩謝嵩不動謂表曰將軍負嵩
嵩不負將軍具陳前言表怒不已其妻蔡氏諫之曰韓嵩
楚國之望也且其言直誅之無辭表乃弗誅而囚之

魏志
劉表

異字公悌瓌偉博達有知人鑒辟公府拜尚書郎後客荆
州以說劉琮之功賜爵關內侯文帝中為侍中太和中卒
異在荊州日龐統為半英雄證裴潛終以清節顯統遂附
劉備見待次于諸葛亮潛位至尚書令並有名德及在魏

朝魏諷以才智聞異謂之必反卒如其言異弟子椒別有傳

魏志劉表傳注案異傳異

越蒯通之後也深中足智魁傑有雄姿大將軍何進聞其名辟為東曹掾越勸進誅諸閹官進猶豫不決越知進必敗求出為汝陽令佐劉表平定境內表得以疆大詔書拜章陵太守封樊亭侯荆州平太祖與荀彧書曰不喜得荆州喜得蒯異度耳建安十九年卒臨終與太祖書託以門戶太祖報書曰死者反生生者不愧孤少所舉行之多矣魂而有靈亦將聞孤此言也

魏志劉表傳注

魏志張繡傳注

或問近世大賢君子答曰荀令君之仁荀軍師之智斯可謂近世大賢君子矣荀令君仁以立德明以舉賢行無諂黷謀能應機孟軻稱五百年而有王者興其間必有命世者其荀令君乎太祖稱荀令君之進善不進不休荀軍師之去惡不去不止也

魏志荀攸傳注大典本附錄第三條注云出永樂大典

魏志賈詡傳注

事變多疑無決無能為也太祖既誅袁譚梟其首令曰敢哭之者戮及妻子于是王叔治田子泰相謂曰生受辟命亡而不哭非義也畏死亡義何以立世遂造其首而哭之哀動三軍軍正白行其戮太祖曰義士也赦之

魏志王脩傳注御覽四百二十一

齊相管仲之後也昔田氏有齊而管氏去之或適魯或適

楚漢興有管少卿為燕令始家朱虛世有名節九世而生

寧魏志管寧傳注劉孝標世說注引云寧字幼安北海朱虛人齊管仲之後也

寧往見度語唯經典不及世事還乃因山為廬鑿坏為室

越海避難者皆來就之而居旬月而成邑遂講詩書陳俎

豆飾威儀明禮讓非學者無見也由是度安其賢民化其德

邴原性剛直清議以格物度已下心不安之寧謂原曰潛

龍以不見成德言非其時皆招禍之道也密遣令西還度

庶子康代居郡外以將軍太守為號而內實有王心卑已

崇禮欲官寧以自鎮輔而終莫敢發言其敬憚如此魏志管寧

是時康又已死嫡子不立而立弟恭恭懦弱而康孽子淵

有雋才寧曰廢嫡立庶下有異心亂之所由起也乃將家

屬乘海即受徵寧在遼東積三十七年乃歸其後淵果襲

奪恭位叛國家而南連吳僭號稱王明帝使相國宣文侯

征滅之遼東之死者以萬計如寧所籌寧之歸也海中遇

暴風船皆沒唯寧乘船自若時夜風晦冥船人盡惑莫知

所泊望見有火光輒趨之得島島無居人又無火燼行人

咸異焉以為神光之祐也魏志管寧傳注白帖二十六

海中遇暴風船沒惟寧船自若時夜晦冥望見火光趨之得島島無居人又無火燼行者咸異皇甫謐曰積善之徵也太平御覽八百六十九引云管寧之遼東而歸海中遇暴風餘船皆破惟寧船自若夜晦冥人盡惑莫知泊所忽望見火光趨之得島一無居人又無火燼行人咸異焉以為神光之祐皇甫曰積善之應也大典本附錄二十

五條注云
出御覽

寧上書天子且以疾辭曰臣聞傳說發夢以感殷宗呂尚
啟兆以動周文以通神之才悟于聖主用能匡佑帝業克
成大勳臣之器朽實非其人雖貪清時釋體蟬蛻內省頑
病日薄西山唯陛下聽野人山藪之願使一老者得盡微
命書奏帝親覽焉

魏志管
寧傳注

司空陳羣又薦寧曰臣聞王者顯善以消惡故湯舉伊尹
不仁者遠伏見徵士北海管寧行爲世表學任人師清儉
足以激濁貞正足以矯時前雖徵命禮未優備昔司空荀
爽家拜光祿先儒鄭玄卽授司農若加備禮庶必可致至
延西序坐而論道必能昭明古今有益大化

魏志管
寧傳注

寧以衰亂之時世多妄變氏族者違聖人之制非禮命姓
之意故箸氏姓論以原本世系文多不載每所居姻親知
舊隣里有困窮者家儲雖不盈擔石必分以贍救之與人
子言教以孝與人弟言訓以悌言及人臣誨以忠貌甚恭
言甚順觀其行邈然若不可及卽之熙熙然甚柔而溫因
其事而導之于善是以漸之者無不化焉寧之亡天下知
與不知聞之無不嗟歎醅德之所感若此不亦至乎

魏志
管寧

傳注

胡徵君怡怡無不愛也雖僕隸必加禮焉外同乎俗內秉
純絜心非其好王公不能屈年八十而不倦于書籍者吾
于胡徵君見之矣

魏志管
寧傳注

武皇帝至明也崔琰徐奕一時清賢皆以忠信顯于魏朝

魏志徐奕傳注

丁儀間之徐奕失位而崔琰被誅

敢問今之君子曰袁郎中積德行儉華太尉積德居順其

智可及也其清不可及也事上以忠濟下以仁晏嬰行父

何以加諸

魏志華歆傳注

嘉少有遠量漢末天下將亂自弱冠匿名迹密友結英雋

不與俗接故時人多莫知惟識達者奇之年二十七辟司

徒府

魏志郭嘉傳注

太祖謂嘉曰本初擁冀州之眾青并從之地廣兵強而數

為不遜吾欲討之力不敵如何對曰劉項之不敵公所知

也漢祖唯智勝項羽雖強終為所禽嘉竊料之紹有十敗

公有十勝雖兵強無能為也紹繁禮多儀公體任自然此

道勝一也紹以逆動公奉順以率天下此義勝二也漢末

政失于寬紹以寬濟寬故不懼公糾之以猛而上下知制

此治勝三也紹外寬內忌用人而疑之所任唯親戚子弟

公外簡易而內機明用人無疑唯才所宜不問遠近此度

勝四也紹多謀少決失在後事公策得則行應變無窮此

謀勝五也紹因累世之資高議揖讓以收名譽士之好言

至于大事與四海接恩之所加皆過其望雖所不見慮之所周無不濟也此仁勝七也紹大臣爭權讒言惑亂公御下以道浸潤不行此明勝八也紹是非不可知公所是進之以禮所不是正之以法此文勝九也紹好爲虛勢不知兵要公以少克眾用兵如神軍人恃之敵人畏之此武勝十也太祖笑曰如卿所言孤何德以堪之也嘉又曰紹方北擊公孫瓚可因其遠征東取呂布不先取布若紹爲寇布爲之援此深害也太祖曰然魏志郭嘉傳注太祖欲引軍還嘉曰昔項籍七十餘戰未嘗敗北一朝失勢而身死國亡者恃勇無謀故也今布每戰輒破氣衰力盡內外失守威力不及項籍而困敗過之若乘勝攻之此

成禽也太祖曰善

魏志郭嘉傳注

初劉備來降太祖以客禮待之使爲豫州牧嘉言于太祖曰備有雄才而甚得眾心張飛關羽者皆萬人之敵也爲之死用嘉觀之備終不爲人下其謀未可測也古人有言一日縱敵數世之患宜早爲之所是時太祖奉天子以號令天下方招懷英雄以明大信未得從嘉謀會太祖使備擊袁術嘉與程彧俱駕而諫太祖曰放備變作矣時備已去遂舉兵以叛太祖恨不用嘉之言魏志郭嘉傳注長短經是非第十四引云郭嘉言於太祖曰備有雄志而甚得眾心關羽張飛皆萬人之敵也爲之死用以嘉觀之其謀未可測也古人有言曰一日縱敵數世之患宜早爲之所曹公方招懷英雄以明大信未得從嘉謀

太祖欲速征劉備議者懼軍出袁紹襲其後進不得戰而

退失所據語在武紀太祖疑以問嘉嘉勸太祖曰紹性遲
而多疑來必不速備新起眾心未附急擊之必敗此存亡
之機不可失也太祖曰善遂東征劉備敗奔紹紹果不出

魏志郭
嘉傳注

河北既平太祖多辟召青冀幽并知名之士漸臣事之以
爲省事掾屬皆嘉之謀也

魏志郭
嘉傳注

太祖又云哀哉奉孝痛哉奉孝惜哉奉孝

魏志郭
嘉傳注

太祖與荀彧書追傷嘉曰郭奉孝年不滿四十相與周旋
十一年險阻艱難皆共罹之又以其通達見世事無所疑
滯欲以後事屬之何意卒爾失之悲痛傷心今表增其子
滿千戶然何益亡者追念之感深且奉孝乃知孤者也天

下人相知者少又以此痛惜奈何奈何又與彧書追惜奉
孝不能去心其人見時事兵事過絕于人又人多畏病南
方有疫常言吾往南方則不生還然與共論計云當先定
荆此爲不但見計之忠厚必欲立功分棄命定事人心乃
爾何得使人忘之

魏志郭
嘉傳注

曹大司馬之勇賁育勿加也張遼其次焉

魏志曹仁傳注
太平御覽二

百九引無末句
大典本附
錄第二十九條注云出御覽

衡辯于言而尅于論見荆州牧劉表日所以自結于表者
甚至表悅之以爲上賓衡稱表之美盈口而論表左右不
廢繩墨于是左右因形而譖之曰衡稱將軍之仁西伯不
過也唯以不能斷終不濟者必由此也是言實指表智短

而非衡所言也表不詳察遂疏衡而逐之衡以交絕于劉表智窮于黃祖身死名滅為天下笑者譖之者有形也

魏志

荀彧傳注

按衡禍衡

太祖徵曄及蔣濟胡質等五人皆揚州名士每舍亭傳未嘗不講所以見重內論國邑先賢禦賊固守行軍進退之宜外料敵之變化彼我虛實戰爭之術夙夜不解而曄獨臥車中終不一言濟怪而問之曄答曰對明主非精神不接精神可學而得乎及見太祖太祖果問揚州先賢賊之形勢四人爭對待次而言再見如此太祖每和悅而曄終不一言四人笑之後一見太祖止無所復問曄乃設遠言以動太祖太祖適知便止若是者三其旨趣以為遠言宜

徵精神獨見以盡其機不宜于猥坐說也太祖已探見其

心矣坐罷尋以四人為令而授曄以腹心之任每有疑事

輒以函問曄至一夜數十至耳

魏志劉曄傳注 太平御覽六百六引云後太祖徵

劉曄授以腹心之任每有疑事輒以函令問曄乃一夜數十至

居七日蜀降者說蜀中一日數十驚備雖斬之而不能安也太祖延問曄曰今尚可擊不曄曰今已小定未可擊也

魏志劉曄傳注

初太祖時魏諷有重名自卿相以下皆傾心交之其後孟達去劉備歸文帝論者多稱有樂毅之量曄一見諷達而皆云必反卒如其言

魏志劉曄傳注

孫權遣使求降帝以問曄曄對曰權無故求降必內有急

權前襲殺關羽取荊州四郡備怒必大興師伐之外有疆
寇眾心不安又恐中國乘其釁而伐之故委地求降一以
卻中國之兵二則假中國之援以彊其眾而疑敵人權善
用兵見策知變其計必出于此今天下三分中國十有其
八吳蜀各保一州阻山依水有急相救此小國之利也今
還自相攻天亡之也宜大興師徑渡江襲其內蜀攻其外
我襲其內吳之亡不出旬月矣吳亡則蜀孤若割吳半蜀
固不能久存況蜀得其外我得其內乎帝曰人稱臣降而
伐之疑天下欲來者心必以爲懼其一不可孤何不且受
吳降而襲蜀之後乎對曰蜀遠吳近又聞中國伐之便還
軍不能止也今備已怒故興兵擊吳聞我伐吳知吳必亡

必喜而進與我爭割吳地必不改計抑怒救吳必然之勢
也帝不聽遂受吳降卽拜權爲吳王曄又進曰不可先帝
征伐天下兼其八威震海內陛下受禪卽真德合天地聲
暨四遠此實然之勢非卑臣頌言也權雖有雄才故漢驃
騎將軍南昌侯耳官輕勢卑士民有畏中國心不可彊迫
與成所謀也不得已受其降可進其將軍號封十萬戶侯
不可卽以爲王也夫王位去天子一階耳其禮秩服御相
亂也彼直爲侯江南士民未有君臣之義也我信其僞降
就封殖之崇其位號定其君臣是爲虎傅翼也權旣受王
位卻蜀兵之後外盡禮事中國使其國內皆聞之內爲無
禮以怒陛下陛下赫然發怒興兵討之乃徐告其民曰我

委身事中國不愛珍貨重寶隨時貢獻不敢失臣禮也無故我伐必欲殘我國家俘我人民子女以為僮隸僕妾臣民無緣不信其言也信其言而感怒上下同心戰加十倍矣又不從遂即拜權為吳王權將陸遜大敗劉備殺其兵八萬餘人備僅以身免權外禮愈卑而內行不順果如

言魏志劉曄傳注

曄事明皇帝又大見親重帝將伐蜀朝臣內外皆曰不可曄入與帝議因曰可伐出與朝臣言因曰不可伐曄有膽智言之皆有形中領軍楊暨帝之親臣又重曄持不可伐蜀之議最堅每從內出輒過曄曄講不可之意後暨從駕行天淵池帝論伐蜀事暨切諫帝曰卿書生焉知兵事暨

謙謝曰臣出自書生之末陛下過聽拔臣羣萃之中立之六軍之上臣有微心不敢不盡言臣言誠不足采侍中劉曄先帝謀臣常曰蜀不可伐帝曰曄與吾言蜀可伐暨曰曄可召質也詔召曄至帝問曄終不言後獨見曄責帝曰伐國大謀也臣得與聞大謀常恐夢昧漏泄以益臣罪焉敢向人言之夫兵詭道也軍事未發不厭其密也陛下顯然露之臣恐敵國已聞之矣于是帝謝之曄出責暨曰夫釣者中大魚則縱而隨之須可制而後牽則無不得也人主之威豈徒大魚而已子誠直臣然計不足采不可不精思也御覽八百三十四引云劉曄責楊暨曰夫釣者中大魚則縱而隨之須可制而後牽之則無不得也人主之威豈徒大魚而已子誠直臣然計不足不可不精思也暨亦謝之曄能應變持兩端

如此或惡曄于帝曰曄不盡忠善伺上意所趨而合之陛下試與曄言皆反意而問之若皆與所問反者是曄常與聖意合也復每問皆同者曄之情必無所復逃矣帝如言以驗之果得其情從此疏焉曄遂發狂出為大鴻臚以憂死諺曰巧詐不如拙誠信矣御覽七百三十九引云有惡善伺上意所趨而合之帝如言以驗之果得其情以此疏焉遂發狂出為大鴻臚以憂死諺曰巧詐不如拙誠信矣

以曄之明智權計若居之以德義行之以忠信古之上賢何以加諸獨任才智不與世士相經緯內不推心事上外困于俗卒不能自安于天下豈不惜哉魏志劉曄傳注司馬光資治通鑑漢紀引獨任才智下作不敦誠慤內失君心外困于俗卒以自危豈不惜哉大典本附錄第二十七二十八條注云出御覽

陶字季治善名稱有大辯曹爽時為選部郎鄧颺之徒稱之以為伊呂當此之時其人意陵青雲謂玄曰仲尼不聖何以知其然智者圖國天下羣愚如弄一丸于掌中而不能得天下玄以其言大惑不復詳難也謂之曰天下之質變無常也今見卿窮爽之敗退居里舍乃謝其言之過魏志

劉曄傳注按陶曄少子

畿漢御史大夫杜延年之後延年父周自南陽徙茂陵延年徙杜陵子孫世居焉魏志杜畿傳

畿自荊州還後至許見耿紀語終夜尚書令荀彧與紀比屋夜聞畿言異之且遣人謂紀曰有國士而不進何以居位既見畿知之如舊相識者遂進畿于朝魏志杜畿傳注太平御覽四

百九引云杜畿至許見侍中耿紀共語終夜尚書令荀彧家與紀屋相比夜聞畿言異之詰旦遣謂紀曰不有國士何以居位既見畿如舊相識遂進畿于朝

或稱畿勇足以當大難智能應變其可試之魏志杜畿傳注

先云既欲為虎而惡食人肉失所以為虎矣今不殺必有

後患魏志杜畿傳注按先范先

畿與太僕李恢東安太守郭智有好恢子豐交結英雋以才智顯于天下智子冲有內實而無外觀州里勿稱也畿為尚書僕射二人各修子孫禮見畿既退畿歎曰孝懿無子非徒無子殆將無家君謀為不死也其子足繼其業時人皆以畿為誤恢死後豐為中書令父子兄弟皆誅冲為代郡太守卒繼父業世乃服畿知人魏志杜畿傳注

太祖將征柳城遠諫曰夫許天下之會也今天子在許公

遠北征若劉表遣劉備龔許據之以號令四方公之勢去

矣太祖策表必不能任備遂行也魏志張遼傳注大典本附錄二條注云出永

樂大典

表既殺望之荆州士人皆自危也夫表之本心於望之不一輕也以直廷情而讒言得入者以無容直之度也據前楚之地不能以成功者未必不由此也夷叔廷武王以成名丁公順高祖以受戮二主之度遠也若不遠其度惟褊心是從難乎以容民畜眾矣魏志劉廙傳注按表劉表望之劉廙兄 叔祖父睿代郡太守父充黃門侍郎魏志傳注 是時何晏以材辯顯于貴戚之間鄧颺好變通合徒黨鬻

聲名於閭閻而夏侯玄以貴臣子少有重名為之宗主求
 交於嘏而不納也嘏友人荀粲有清識遠心然猶怪之謂
 嘏曰夏侯泰初一時之傑虛心交子合則好成不合則怨
 至二賢不睦非國之利此藺相如所以下廉頗也嘏答之
 曰泰初志大其量能合虛聲而無實才何平叔言遠而情
 近好辯而無誠所謂利口覆邦國之人也鄧元茂有為而
 無終外要名利內無關鑰貴同惡異多言而妬前多言多
 釁妬前無親以吾觀此三人者皆敗德也遠之猶恐禍及
 况昵之乎魏志傳嘏傳注 劉孝標世說注引至然猶怪
之止而作然猶勸嘏結交云蓋刪節下文也
太平御覽四百四十七引云夏侯元求交于傳嘏嘏不納
荀粲謂傳嘏曰夏侯太初一時之俊虛心交子不合則怨
至二賢不睦非國之利也嘏答之曰太初能虛聲而無實
才何平叔言遠而情近好辯而無誠鄧元茂外循名利內

無關鑰此三人者皆敗德也

河南尹內掌帝都外統京畿兼古六鄉六遂之士其民異
 方雜居多豪門大族商賈胡貊天下四方會利之所聚而
 姦之所生前尹司馬芝舉其綱而太簡次尹劉靜綜其目
 而太密後尹李勝毀常法以收一時之聲嘏立司馬氏之
 綱統裁劉氏之綱目以經緯之李氏所毀以漸補之郡有
 七百吏半非舊也河南俗黨五官掾功曹典選職皆授其
 本國人無用異邦人者嘏各舉其良而對用之官曹分職
 而後以次考校之其治以德教為本然持法有恆簡而不
 可犯見理識情訟獄不加榷楚而得其實不為小惠有所
 薦達及大有益于民事皆隱其端迹若不由己出故當時

無赫赫之名吏民久而後安之

魏志傳 二引云河南帝都統領京

畿兼右職右卿遂多豪門商賈胡兒天下四會奸之所生

前尹司馬芝舉其綱而太簡次尹劉靜綜其目而太密後

尹李勝毀常法取一時之聲也藝文類聚六引云傳

為河南尹治以德教為本然持法有恆簡而不可犯見理

識情獄訟不任權楚而得其實不為小惠有所薦達及有

大益于民皆隱其端迹若不由己原本北堂書鈔七十

六引傅子傳云傳為河南尹內掌帝都外統京畿豪門

大族天下四方會利之所聚姦宄之所生久而安之也又

引云傳為河南尹以德化為本持法簡而不犯又云傳

北堂書鈔引同

捶楚作榎楚

故既達治好正而有清理識要好論才性原本精微能

及之司隸校尉鍾會年甚少故以明智交會

魏志傳 世說新

語文學劉孝標注

引同無校尉二字

初李豐與嘏同州少有顯名早歷大官內外稱之嘏又不

善也謂同志曰豐飾偽而多疑矜小失而昧于權利若處

庸庸者可也自任機事遭明者必死豐後為中書令與夏

侯玄俱禍卒如嘏言嘏自少與冀州刺史裴徽散騎常侍

荀勗善徽勗早亡又與鎮北將軍何曾司空陳泰尚書僕

射荀顗後將軍鍾毓並善相與綜朝事俱為名臣

魏志傳 實亡天下致弔會其葬者三萬人制縗麻者以百數

陳羣 宋建椎牛禱賽終自焚滅文欽日祠祭事天斬于人手諸

葛誕夫婦聚會神巫淫祀求福伏尸淮南舉族誅夷此天

戰必敗奔亡不暇何以圖人蜀雖小區險固四塞獨守之國難卒并也徵士傅幹曰劉備寬仁有度能得人死力諸葛亮達治知變正而有謀而為之相張飛關羽勇而有義皆萬人之敵而為之將此三人者皆人傑也以備之略三傑佐之何為不濟也蜀志先主備傳注 太平御覽四百四十四引趙戩作趙幾無蜀雖小區

以下四句 大典本附錄 二十六條注云出御覽

遼欲白太祖恐太祖殺羽不白非事君之道乃歎曰公君父也羽兄弟耳遂白之太祖曰事君不忘其本天下義士也度何時能去遼曰羽受公恩必立效報公而後去也蜀志

關羽傳注 按遼張遼

維為人好立功名陰養死士不修布衣之業蜀志姜維傳注

孫策為人明果獨斷勇蓋天下以父堅戰死少而合其兵將以報讐轉鬪千里盡有江南之地誅其名豪威行鄰國及權繼其業有張子布以為腹心有陸議諸葛瑾步騭以為股肱有呂範朱然以為爪牙分任受職乘閒伺隙兵不妄動故戰少敗而江南安吳志吳主孫權傳注

馬先生天下之名巧也少而遊豫不自知其為巧也當此之時言不及巧焉可以言智乎為博士居貧乃思綾機之變不言而世人知其巧矣舊綾機五十綜者五十躡六十綜者六十躡先生患其喪功費日乃皆易以十二躡其奇文異變因感而作者白六帖八引傅玄馬先生傳云舊綾機五十綜為五十躡先生易以十二

奇文異變因而作成 宋本意林五引云馬先生綾機先生名鈞字衡天下之名巧也綾機本五十綜五十躡六十

綜六十篇先生乃易十二篇奇文異變因感而作自然成
形陰陽無窮也太平御覽八百二十五引云舊機五十
綜者五十躡六十綜者六十躡馬先生者天下之名巧也
患其遺日喪功乃皆易以十二躡其奇文異變因感而作
猶自然之成形陰陽之無窮此輪扁之對不可以言言者
又焉可以言技也先生為給事中與常侍高堂隆驍騎將
軍秦朗爭論於朝言及指南車二子謂古無指南車記言
之虛也先生曰古有之未之思耳夫何遠之有二子哂之
曰先生名鈞字德衡鈞者器之模而衡者所以定物之輕
重輕重無準而莫不模哉先生曰虛爭空言不如試之易
效也於是二子遂以白明帝詔先生作之而指南車成此
一異也又不可以言者也從是天下服其巧矣初學記十
二引云馬
鈞字德衡為給事中與高堂升平秦朗爭論于朝言及指
南車二子云無此記虛耳鈞曰虛爭空言不如試之效矣

宋本意林五引云指南車見周官亦見鬼谷子先生作
給事中與高堂隆秦朗爭指南車二子云古無此車記虛
言耳先生曰爭虛空言不如試之效也言於明帝明帝乃使作之車乃成居京都城內有地可
為園患無水以灌之乃作翻車令童兒轉之而灌水自覆
更入更出其巧百倍於常此二異也宋本意林五引云翻
車先生居在京師城
內有地作園而患無水可溉乃
作翻車令兒童轉之其功百倍其後人有上百戲者能設
而不能動也帝以問先生可動否對曰可動帝曰其巧可
益否對曰可益受詔作之以大木雕構使其形若輪平地
施之潛以水發焉設為女樂舞象至令木人擊鼓吹簫原本
北堂書鈔百十一引云馬先生能使木人吹簫藝文類
聚四十四引云馬先生能使木人吹簫比妙般輪墨翟日
不劣古矣太平御覽五百八十一引云馬先生
生能使木人吹簫比妙墨翟般輪不劣古矣作山嶽使
木人跳丸擲劍緣絙倒立出入自在百官行署春磨鬪雞

變巧百端此三異也先生見諸葛亮連弩曰巧則巧矣未
盡善也言作之可令加五倍又患發石車敵人之於樓邊
縣溼牛皮中之則墮石不能連屬而至欲作一輪縣大石
數十以機鼓輪為常則以斷縣石飛擊敵城使首尾電至
嘗試以車輪縣瓠臂數十飛之數百步矣太平御覽三百三十六引云鈞
石車敵人於樹邊懸濕牛皮中之則墮石不能連屬而欲
作一輪懸大石數十以機鼓輪為常則懸石飛擊敵城使
首尾電至嘗試以車輪懸有裴子者上國之士也精通見
理聞而哂之乃難先生先生口屈不對裴子自以為難得
其要言之不已傅子謂裴子曰子所長者言也所短者巧
也馬氏所長者巧也所短者言也以子所長擊彼所短則
不得不屈以子所短難彼所長則必有所不解者矣夫巧

天下之微事也

太平御覽七百五十二引云馬先生為機

對傅子謂裴子善乎言而不巧馬氏有所不解而難之不
長于巧而短于言巧者天下之微事已其相擊刺必已遠矣心乖於內口屈於外此馬氏所以
不對也傅子見安鄉侯言及裴子之論安鄉侯又與裴子
同傅子曰聖人具體備物取人不以一揆也有以神取之
者有以言取之者有以事取之者有以神取之者不言而
誠心先達德行顏淵之倫是也以言取之者以變辯是非
言語宰我子貢是也以事取之者若政事冉有季路文學
子游子夏雖聖人之明盡物如有所用必有所試然則試
冉季以政試游夏以學矣游夏猶然況自此而降者乎何
者懸言物理不可以言盡也施之於事言之難盡而試之

易知也今若馬氏所欲作者國之精器軍之要用也費十尋之木勞二人之力不經時而是非定難試易驗之事而輕以言抑人異能此猶以己智任天下之事不易其道以遇難盡之物此所以多廢也馬氏所作因變而得是則初所言者不皆是矣其不皆是因不用之是不世之巧無由出也夫同情者相妬同事者相害中人所不能免也故君子不以人害人必以考試為衡石廢衡石而不用此美玉所以見誣為石荆和所以抱璞而哭之也於是安鄉侯悟遂言之武安侯武安侯忽之不果試也此既易試之事又馬氏巧名已定猶忽而不察况幽深之才無名之樸乎後之君子其鑒之哉馬先生之巧雖古公輸般墨翟王爾近

漢世張平子不能過也

太平御覽七百五十二引云馬先生鉤天下之巧者也有二子謂古

無指南車記言之虛也先生曰古有之二子以白明帝詔先生作之而指南車成此一異也從是天下服其巧矣居京師城內有地可為園患無水以澆之先生乃作翻車令兒童轉之而灌水自覆其功百倍于常此二異也後人有上曰其巧可益否對曰可益受詔作之以大木雕構使形若輪平潛以水發焉設為女樂舞象使木人擊鼓吹簫木跳丸擲自出百官行署變巧百端此三異也先生見諸葛亮連弩曰巧則巧矣未盡善也言作之可令加倍嘗試以車輪懸紙數十飛之數百步馬先生之巧雖古般輸墨翟王爾漢世公輸般墨翟皆見用於時乃有益於世張平子不能過也平子雖為侍中馬先生雖給事省中俱不典工官巧無益於世用人不當其才聞賢不試以事良可恨也裴子者裴秀安鄉侯者曹羲武安侯者曹爽也魏志杜夔傳注引云時有扶風馬鈞巧思絕世傳玄序之曰云云永樂大典本附錄第四十一條四十二條注云出御覽

傅子曰諸葛亮誠一時之異人也治國有分御軍有法積

功興業事得其機人無遺刃出有餘糧知蜀本弱而危故

持重以鎮之若姜維欲速立其功勇而無決也宋本意林五

范蠡字少伯楚三戶人也使越滅吳以後乘輕舟遊五湖

王令寫其狀恆朝禮之列仙傳云徐人也宋本意林五

魏明帝以管寧為大中大夫賜朝服一具衣一襲被一領

安穩犢車一乘原本北堂書鈔五十六

安鄉亭侯曹羲為領軍將軍慕周公之下士賓客盈坐也

原本北堂書鈔六十四

攄字曹羲弟萬歲侯為武衛將軍大縱酒作樂酒酣

起為壽當傅子前憂亡流涕云原本北堂書鈔六十四

王黎為黃門郎軒軒然乃得志煦煦然乃自樂傅子難之

曰子以聖人無樂子何樂之甚黎曰非我乃聖人也原本北堂

書鈔五十八初學記十二太平御覽二百二十一引無

乃字又無傅子難之曰以下四句大典本附錄第三十

條注云出御覽

傅嘏字蘭石為尚書事大小無不綜也原本北堂書鈔六

百十二引首句無傅字末句無也字又綜作總陳禹謨

本書鈔引云傅嘏為尚書事大小無不總也唐類函三

十九北堂書鈔與陳本同末

句作事無大小無不總也

削鈞為潁陰令相不為脂膏之染三年無書與京師原本北堂

書鈔七十六按削疑劉字誤唐

類函六十北堂書鈔引正作劉鈞

為上霜令一郡柔明原本北堂書鈔七十六

謝旗房陵都尉戰有功太子賜旗罽裘豹裯也原本北堂

書鈔一百

崩躬字叔孝性方嚴有容儀人望而畏之有過其門者皆

整衣改容太平御覽三百八十一

號是晉獻所滅先此百二十餘年此時焉得有號則此云

號太子非也史記扁鵲倉公列傳號太子死句下索隱引傳玄云按此即本傳所云評斷三史故事

也

樂毅伐齊遂下齊七十餘城置吏屬燕為郡而修齊之宗

廟文選二十八張士然為吳合謝廟詢求為諸孫置守家人表注

蒼頡黃帝之史官也正義

觀孟堅漢書實命代奇作及與陳宗尹敏林樵馬巖撰中

興紀傳其文曾不足觀豈拘於時乎何不類之甚也是後

劉珍朱穆盧植楊彪之徒又繼而成之豈亦各拘於時而

不得自盡乎其益陋也史通嚴才篇

吾觀班固漢書論國體則飾主闕而抑忠臣敘世教則貴

取容而賤直節述時務則謹詞章而略事實非良史也史通書事篇

宋本意林五

楚漢之際有好事者作世本上錄黃帝下逮漢末班固漢

書因父得成遂沒不言彪殊異馬遷也史通書事篇宋本意林五

凡品才有九一曰德行以立道本二曰理才以研事機三

曰政才以經治體四曰學才以綜典文五曰武才以禦軍

旅六曰農才以教耕稼七曰工才以作器用八曰商才以

興國利九曰辨才以長諷議此量才者也長短經量才第四又定名第

十四引傅子九品云
九曰雜才以長諷議

知人之難莫難於別真偽設所修出于爲道者則言自然
而貴元虛所修出於爲儒者則言分制而貴公正所修出
於爲縱橫者則言權宜而貴變常九家殊務各有所長非
所爲難也以默者觀其行以語者觀其辭以出者觀其治
以處者觀其學四德或異所觀有微又非所謂難也所謂
難者典說詭合轉應無窮辱而言高貪而言廉賊而言仁
怯而言勇詐而言信淫而言貞能設似而亂真多端以疑
闇此凡人之所以常惑明主之所甚疾也君子內洗其心以
虛受人立不易方宋本意林五引云君子內洗其心
以虛受人外設法度立不易方貞觀
之道也九流有主貞一之道也內貞觀而外貞一則執偽

者無地而逃矣夫空言易設但責其實事之效則是非之
驗立可見也故韓子曰人皆寐盲者不知人皆默暗者不
識覺而使之視問而使之對則盲暗窮矣發齒吻視毛色
雖良樂不能必馬連車蹴駕試之行途則臧獲定其駑良
觀青黃察鍛銷雖歐冶不能必劍陸斷狗馬水截蛟龍雖
愚者識其利鈍矣是知明試責實乃聖功也長短經知
人第五
士大夫分職而聽諸侯之君分土而守三公總方而議則
天子拱己而正矣何以明其然耶當堯之時舜爲司徒契
爲司馬禹爲司空后稷爲田疇夔爲樂正倕爲工師伯夷
爲秩宗皋陶爲理官益掌驅禽堯不能爲一焉奚以爲君
而九子者爲臣其故何也堯知九賦之事使九子各授其

事皆勝其任以成九功堯遂乘成功以王天下

長短經大體第一

凡都縣之攷課有六一曰以教課治則官慎德二曰以清課本則官慎行三曰以才課任則官慎舉四曰以役課平則官慎事五曰以農課等則官慎務六曰以獄課訟則官慎理此能備官也

長短經量才第四注

先王之制禮也使疏戚有倫貴賤有等上下九代別為五族骨肉者天屬也正服之所經也義立者人紀也名服之所緯也正服者本於親親名服者成於尊尊親尊者服重親殺者轉輕此近遠之理也尊崇者服厚尊降者轉薄此高下之敘也記曰其夫屬乎父道者妻皆母道也夫屬乎子道者妻皆婦道也人紀準之兄不可以比父弟不可以

為子姪之與叔異族之人本之天屬姪非姊叔非弟也則不可以親親理矣校之人紀姪非母也叔非子也稽之五服體無正統定其名分不知所附

杜佑通典叔姪服禮五十二

征南軍師北海矯公智父前取夾氏女生公智後而出之未幾重取王氏女生公曜父終之日謂公智曰公曜母年少必當再嫁可迎還汝母及父卒公智以告其母母曰我夾氏女非復矯氏婦也今將依汝居然不與矯氏家事夾氏來至王氏不悅脫纒絰而求去夾氏見其如此即還歸夾舍三年喪畢王氏果嫁夾氏乃更來每有祭祀之事夾氏不與及公智祖母并姑亡夾氏並不為制服後夾氏疾困謂公智我非矯氏婦乃汝母耳勿葬我矯氏墓也公智

從其母令別葬之公智以父昔有命母還於是為服三年
公曜以夾氏母始終無順父命竟不為服博士劉喜云公
智之父棄夾納王其在戶庭尚為己配苟有變悔自由可
也還歸夾氏則他人矣去就出處各從所執豈復矯公所
得制乎故出妻之禮夫使人致曰某不敏不能從而供粢
盛使某也敢告主人曰某子不肖不敢避誅又曰婦當喪
而出則除之然則相與之禮於是絕矣少府劉克義以為
父者子之天違父與違天同公曜父臨亡知其母無守志
故敕公智還其母此為臨死情正慮審也公曜幼小在此
母懷抱其見慈長以至成人過於所生而母之亡哀不過
啜噍之頃衣不釋綵食不損味居處自若古今未之有也

夫孝子事其親事亡若事存也女子從人出之則歸命之
則反上奉夫母以為姑下育夫兒以為子制矯氏之家政
修母氏之教命而怡然無戚言非逆命也

遺令還繼
母子服議

杜佑通典九十一
禮五十四出母

樂廣為河南尹郡中前廳多怪病後人皆於廊下督郵傳
中治事無敢在廳事者唯廣處之白日戶自閉二子凱橫
等懾怖廣使掘牆孔得狸乃絕

藝文類
聚六

衡陽劉煥辰初校

邵陽石陶鈞覆校

傅子卷三

晉傅玄撰

長沙葉德輝撰輯

夫文采之在人猶榮華之在草

宋本意林五 武英殿本
竄入楊泉物理論以下各

同條

天地成歲也先春而後秋人君之治也先禮而後刑

宋本
意林

五

救嬰孩之疾而不忍鍼艾更加他物以至死也今除肉刑
危者更眾何異服他藥也肉刑雖斬其足猶能生育也張
蒼除肉刑每歲所殺萬計鍾繇復肉刑歲生二千人也名
肉刑者猶鳥獸之登俎而作肉

宋本意
林五

今有弱子當陷大辟問其慈父必乞以肉刑代之苟可以

生易死也有道之君能不以此加百姓乎蛇赦在手壯夫

斷其腕謂其雖斷不死也宋本意林五

曹羲曰繫馴駒以繆絆御悍馬以朽索今制民以輕刑亦

如此也宋本意林五

但知管子借耳于天下不知堯借人心而後用其耳目宋本

意林五

昔燕趙之間有三男子共娶一女生四子後爭訟廷尉延

壽奏云禽獸生子逐母宜以四子還母尸三男子於市宋本

意林五太平御覽三百六十一人武英殿本意林兩三男下均無子字

塞一蟻孔而河決息施一車轄而覆乘止立法令者亦宜

舉要宋本意林五北堂書鈔四十三引未句作為法者宜舉其要

禮云繼父服齊衰傅子曰母捨己父更嫁他人與己父絕

甚於兩夫也又制服恐非周孔所制亡秦焚書以後俗儒

造之宋本意林五通典九十引云父無可繼之理不當制服此禮焚書之後俗儒妄造也武英殿本與己

父絕甚于兩夫也作舉己父甚于兩絕天也小注案語引一本與宋本同

妄進者若卵投石逃誅者若走赴深宋本意林五

樹上懸瓠非木實也背上披裘非脊毛也此似是而非宋本

意林五武英殿本此似是而非句無是字

九日養親一日餓之豈得言孝飽多饑少固非孝子武英殿本

乎子作九日穀馬武英殿本穀馬十日一日餓之馬肥不損於義無

傷不可同於武英殿本於作之一日餓母也宋本意林五太平御覽八百九十七引

云九日養親一日餓之甯可言飽多饑少同為孝子穀馬十日一日餓之馬肥不損於義無傷非可同之

漢末有管秋陽者與弟及伴一人避亂俱行天雨雪糧絕謂其弟曰今不食伴則三人俱死乃與弟共殺之得糧達舍後遇赦無罪此人可謂義士乎武英殿本義士作善士孔文學曰

管秋陽愛先人遺體食伴無嫌也荀侍中難曰秋陽貪生殺生豈無武英殿本作不罪邪文學曰此伴非會友也若管仲啖

鮑叔貢禹食王陽此則不可向所殺者猶鳥獸而能言耳

今有犬齧一狸狸齧一鸚鵡何足怪也昔重耳戀齊女而

欲食狐偃叔敖怒楚師而欲食伍參賢哲之忿猶欲啖人

而況遭窮者乎宋本意林五

見虎一毛不知其班道家笑儒者之拘儒者嗤道家之放

皆不見本也宋本意林五

止響以聲逐影以形姦爭流蕩而武英殿本無而字不知所止也

宋本意林五

積薪若山縱火其下火未及燃一杯之水尚可救也及至

火猛風起雖傾江武英殿本作河海不能救也秦昭王是積薪而

縱火其下始皇燃而方熾二世起風而怒也秦人視山東

之民猶猛虎之睨羣羊何隔憚哉宋本意林五大典本附錄弟一條注云出永

樂大典無何隔憚哉句武英殿本秦人視山東之民以下別作一條

大孝養志其次養形養志者盡其和養形者不失其敬宋本

意林五

割地利己天下讐之推心及物天下歸之以信接人天下

信之不以信接人妻子疑之見疑妻子難以事君君子修

身居位非利名也在乎仁義而已

宋本意林五 武英殿本末句脫而已二字

人皆知滌其器莫知洗其心

宋本意林五 太平御覽三百七十六引器下有而字下

句洗作滌

君子審其宗而後學明其道而後行

宋本意林五 太平御覽四百三 永樂

大典本附錄第十 一條注云出御覽

傅子曰學以道達榮不以位顯或云匡

武英殿本 誤作玄 衡以善

詩至宰相張禹以善論語

武英殿本 脫語字

作帝師豈非儒學之

榮乎

宋本意林五

墨子兼愛是廢親也短喪是忘憂也

宋本意林五

伊尹耕於有莘孰知非夏之野人呂尚釣於渭濱孰知非

殷之漁者遇湯文

武英殿本文 下衍武字

然後知其非也

面歧路者有行迷之虞

武英殿本 本作慮

仰高山者有飛天之志

意林五 武英殿本合 下或乘馬一節為一段

或乘馬或乘車而俱至秦者所謂行

武英殿本 本作形

異而實同也

宋本意林五

若謂黃帝後乃

武英殿本 本作方

有舟楫包犧之時長江大河何所

用之

宋本意林五

經巨海者終年不見其厓測虞泉

武英殿本 本作淵

者終世不知其

底故小者不可以語大

武英殿本 無此句

近者不可以度遠也

意林五

青與赤謂之文赤與白謂之彰白與黑謂之黼黑與青謂

之黻五彩謂之繡

宋本意林五

秦始皇冢令匠人作機弩有人穿者即射之以人魚膏作

燭 宋本意 林五

逐兔之犬終朝尋兔不失其迹雖見麋鹿不暇顧也

宋本意 林五

漢高祖度闊而網疏故後世推誠而簡直光武教一而網密故後世守常而禮義魏武亂以尚猛天下修法而貴

理 宋本意 林五

形之正不求影之直而影自直聲之平不求響之和而響

自和德之崇不求名之遠而名自遠

宋本意 林五

西國胡言蘇合香是獸便中國獸便而臭忽聞西極獸便

而香則不信矣

宋本意 林五 法苑珠林三十六 太平御覽九百八十二云西國胡人言蘇合香

獸便也中國皆以為怪 大典本 附錄第三十八條注云出御覽

必得崑山之玉而後寶則荆璞無夜光之美矣必須南國

之珠而後珍則隨侯無明月之稱矣

宋本意 林五 武英殿本無二矣字

始皇遠遊北海而不免平臺之役及葬驪山尋見發掘

宋本意 林五

今有鉛錫之鋌雖歐冶百鍊猶不如瓦刀有鴛駘之馬雖

有造父駕之終不及飛兔絕景質鈍故也土不可以作鐵

而可以作瓦

宋本意 林五

相者曰三停九候定於一尺之面智愚勇怯形于一寸之

目天倉金匱以別富貴貧賤

宋本意 林五 太平御覽三百六十五引相者曰三句

大典本附錄第三十 六條注云出御覽

傳子卷三
光武鳳翔於南陽燕雀化作鳩鷦宋本意林五武英殿
本合下二漢之臣爲一條

二漢之臣煥爛如三辰之附長天長平之卒拓武英殿落

如秋草之中繁霜勢使然也宋本意林五文選五十九

云二漢之臣爛如三辰之附長天本附錄第四十五條注云山文選注大典

長人數丈身橫九畝兩頭異頸四臂共骨老人生角男女

變化何益於賢愚耶宋本意林五

豈有太一之君坐於庶人之座魁罡之神存於婦人之室

宋本意林五以譽取人者武英殿本則權移于下而朋黨之交用以功

進士者殿本無則有德殿本下未必授而凡下之人或見

任也宋本意林五

時大典本質則官少大典本文則吏多有虞氏官五十

夏后官一百殷有二百周有三百宋本意林五大典六

無故前不錄宋本意林五

國典之墜猶位喪也位之不建名理廢也宋本意林五

人之性如水焉置之圓則圓置之方則方澄之則渟而清

動之則流而濁先王知中流之易擾亂故隨而教之謂其

偏好者故立一定之法宋本意林五太平御覽三百六

錄第十二條注云出御覽宋本意林五

龍舟整楫王良不能執也驥駮齊行越人不敢御也各有

所能宋本意林五

人之學如渴而飲河海大飲則大盈小飲則小盈大觀則

大見小觀則小見宋本意林五 原本北堂書鈔八十三

而飲河海也大飲則大盈 小飲則小盈無末二句

金以利用錢以輕流此二物飢不可食寒不可衣也宋本

五 武英殿 本無末一句

入粟補吏是賣官也入金贖罪武英殿本作 罪人以贖是縱惡也宋本

意林 五

世富錢流則禁盜鑄錢世貧錢滯則禁盜壞錢宋本意 林五

撞亡秦之鐘作鄭衛之樂欲以興治豈不難哉宋本意 林五

賞不避疏賤罰不避親貴貴有常名而賤不得冒尊有定

位而卑不敢逾經之以道德緯之以仁義織之以禮法既

成而後用之宋本意 林五

謂有孝廉秀才之貢或千里望風承聲而舉故任實者漸

消積虛者日長宋本意 林五

聞一善言見一善事行之唯恐不及聞一惡言見一惡事

遠之唯恐不速宋本意 林五

懸千金於市市人不敢取者分定也委一錢於路童兒太

御覽兒 作子爭之太平御覽 無之字者分未定也宋本意林五 太平

本附錄弟七條注 云出諸子瓊林

三皇貴道而尚德五帝先仁而後義三王先義而後辭宋本

意林 五

鴻毛一羽在水而沒者無勢也黃金萬鈞在舟而浮者託

舟之勢也

宋本意林五

傅子曰聖人之道如天地諸子之異如四時四時相反天

地合而通之

宋本意林五太平御覽四百一十條注云出御覽

人之涉世

武英殿本誤作也字譬如奕棋苟不盡道誰無死地但有

武英殿本誤作不

幸耳

宋本意林五中論

擬金人銘作口銘曰神以感通心由口宣福生有兆禍來

有端情莫多妄口莫多言蟻孔潰河淄川傾山病從口入

患自口出存亡之機開闔之術口與心謀安危之源樞機

之發榮辱隨焉

宋本意林五太平御覽三百六十七文選歐陽堅臨終詩注引福生有兆禍來

無端藝文類聚十七引作口誠祇六句云勿謂何有積

怨致咎勿不傳伏流成川蟻孔潰河流穴傾山與此小

異原本北堂書鈔百五十八引傅子蟻孔潰河淄川傾

山二句御覽淄川作淄沈患自作禍從隨作存明張溥

漢魏六朝百三家集傅鵠集中心口銘與意

林同大典本附錄弟十四條注云出御覽

夫有公心必有公道愛己者不能不愛憎己者不能不憎

宋本意林五按上一二句為通志

民富則安鄉重家敬上而從教貧則危鄉輕家相聚而犯

上飢寒切身而不行非者寡矣

宋本意林五

我欲戰而彼不欲戰者我鼓而進之若山崩河溢當其衝

者摧值其鋒者破所謂疾雷不暇掩耳則又誰禦之

宋本意林五

吳起吮瘡者之蠟積恩以感下也史記云吳起吮癰晝戰

目相接夜戰耳相聞得利同勢失利相救

論語聖人之至教王者之大化鄉黨則有朝廷之儀聘享

之禮堯曰則有禪代之事

宋本意林五

傅子云孟軻荀卿若在孔門非唯游夏而已乃冉閔之徒

也宋本意林五

漢世賤輜車而今貴之

宋本意林五太平御覽七百七

也史記平準書索隱引作漢代賤乘輅今則貴之武英殿本誤入物理論

辨上下者莫正乎位與國家者莫貴乎人統內外者莫齊

乎分宣德教者莫明乎學秉綱而目自張執本而未自從

宋本意林五

夏曰余車殷曰胡奴周曰輜車輜車即輦也魏晉御小出

常乘馬亦多乘輿車輿車今之小輿宋書禮志五續漢書輿服志注引輜車

即輦也句

魏尚書何晏好服婦人之服傅玄曰此服妖也夫衣裳之

制所以定上下殊內外也大雅云玄袞赤舄鉤膺鏤錫歌

其文也小雅云有嚴有翼共武之服詠其武也若內外不

殊王制失敘服妖既作身隨亡之妹喜冠男子之冠桀亡

天下何晏服婦人之服亦亡其家其咎均也宋書五行志一

國語非邱明所作凡有共說一事而二文不同必國語虛

而左傳實其言相反不可強合也左傳哀十三年正義

拔萬國之地九州之結原本北堂書鈔十四

象天地以立制原本北堂書鈔十七引傅子大本

披珍玉之衣原本北堂書鈔二十陳禹謨本唐類函本

天子出多乘輿車原本北堂書鈔一百四十

法嚴如火烈

原本北堂書鈔四十三引傅玄七社

善惡相蒙故齊之以刑以綜其真偽

原本北堂書鈔四十三引傅玄七社

本刪七社二字

尚書者出入王命喉舌之任也

原本北堂書鈔五十九

間歲舉孝廉而上之皆是九州百郡之士

馥若秋蘭俱茂

原本北堂書鈔七十九宋本意林五引

孝廉皆是九州百郡之士風異俗殊所尚不同進如百川

之朝海散如雲霧之歸山

原本北堂書鈔七十九

向百作眾

漢武令郡國舉孝廉宋世合素帛乃有釋親而位周歲云

周登之歲祀於素帛追之後徹取諸此意也

原本北堂書鈔七十九

陳禹謨本引云漢武令郡國舉孝廉合素帛

有誤陳本刪節不可據唯俞安期唐類函五十七北堂書鈔引云漢武令郡國舉孝廉末世合素帛乃有釋親而恤

同歲云同登之歲記于素帛垂之後肩取此義也

桓譚書煩而無要辭雜而旨跪吾不知其博也

原本北堂書鈔百

陳禹謨本引二句作辭雜而無指歸唐類函一

張奏鼓琴郝素彈箏雖伯牙之妙手吳姬之奇聲何以加

原本北堂書鈔一百十

聚四十四引云朱生善彈琵琶雖伯牙之妙舞無以加之

又引云列和善吹笛吳姬之聲無以加也

諸子瓊林列和條大典本附錄弟六條注云出承樂

大典郝素條大典本附錄弟三十七條注云出御覽

律呂本於天地豈關昆侖之鳳雌雄聲能定之哉此好遠

之談也原本北堂書鈔百十二陳禹謨本引云律呂本

于天地豈昆侖之竹鳴鳳之聲能定之哉此迂遠

北堂書鈔引與陳本同

堯如腊舜如胆北堂書鈔百四十五

夫華然被裘褐塊然居深鼠出澤生無禮容死衣以薪棄

之中野喪期無數如仰觀象於天俯觀法於地者為亦以

明矣原本北堂書抄百五十八按此條文有脫誤

主執非道以虜其民民杜私心以事其主公門塞於上顯

議寢於下忠臣深□□而杖泣貞士伏巖穴而自歎進忠

□君之門也已九重矣原本北堂書鈔百五十八按此條有脫誤

集古今七篇而論品之署曰七林藝文類聚五十七

三公者為天子調陰陽初學記十一太平御覽二百六

十七條注云出御覽

琵琶體圓柄直柱十有二其他皆充上銳下曲項形制稍

大本出胡中俗傳是漢制兼似兩制者謂之秦漢蓋謂通

用秦漢之法通典百四十四

魏晉之代有孫氏善歌舊曲宋識善擊節唱和陳左善清

歌列和善吹笛郝素善彈箏朱生善琵琶尤發新聲故傳

玄箸書曰人若欽所聞而忽所見不亦惑乎設此六人生

于上代越古今而無儷何但夔牙同契哉通典六百四十五樂五雜歌曲

注

言出於口結於心守以不移故立其身臣軌誠信章

君子周才難文選二十二王康

漢武元光初郡國舉孝廉元封五年舉秀才歷世相承皆

向郡國稱故吏文選二十五盧子諒贈劉琨詩注

侍中冠武弁文選三十七曹子建求通親親表注

魏司空陳羣始立九品之制置中正平人材之高下各為

輩目州置都而總其義文選五十沈休文宋書恩倖傳論

云出文選注原本北堂書鈔七十三太平御覽

周文王子公旦有聖德諡曰文文選五十四劉孝標辨命

十四條注

昔仲尼既歿仲弓之徒追論夫子之言謂之論語其後鄒之君子孟子與擬其體箸七篇謂之孟子然子輿孟子之

字也文選五十四劉孝標辨命論注漢書藝文志考證

六引孟軻字子輿

道教者昭昭然若日月麗乎天文選五十九沈休文齊安

附錄弟四十六條

昔者伯牙子遊于泰山之陰逢暴雨止于巖下援琴而鼓

之為淋雨之音更造岵山之曲每奏鍾期輒窮其趣曰善

哉子之聽也太平御覽十

夏令披裘冬令披褐雖有嚴令終不肯從者逆時也太平

御覽

堯遭洪水而貴陸湯遇大旱而重水太平御覽五十六

注云出承

庖犧神農順民之性育之者也黃帝除民之害救之者也
舜治天下垂拱無為者以咎繇既舉而不仁遠也禹治洪
水冠挂不顧者不以下憂累其上也湯去三面之網歸之
者四十國文王葬城隅之枯骨天下懷其仁所惠者小所
感者大仁心先之也

太平御覽七十七
大典本附錄失載

不使不仁加乎天下用武勝殘而百姓以濟此仁形於撥
亂黃帝是也時有萬物必世而後仁此著於治平堯舜是
也

太平御覽七十七
大典本附錄失載

漢武世王侯觀殿重階金樞紫墀

太平御覽一百八十四
大典本附錄失載

荀仲預稱禹十二為司空

太平御覽二百八
大典本附錄失載

兵法云內精八陣之變外盡九成之宜然後可以用奇也

太平御覽三百一
樂大典本附錄失載

心有管籥須言而發

太平御覽三百七十六
大典本附錄失載

上德之人其濟萬物也猶天之有春秋時至自生非德之

力

太平御覽四百三
附錄第九條注云出御覽
大典本

或問劉歆劉向孰賢傅子曰向才學俗而志忠歆才學通

而行邪

太平御覽五百九十九
大典本附錄第二十三條注云出御覽

詩之雅頌書之典謨文質足以相副玩之若近尋之益遠

陳之若肆研之若隱浩浩乎其文章之淵府也

太平御覽五百九十九
引無陳之若肆

九又六百八
原本北堂書鈔九十五引無陳之若肆
研之若隱二句餘同御覽
大典本附錄第二十四條注

云出
御覽

律是咎繇遺訓漢命蕭何廣之

太平御覽六百三十八
原本北堂書鈔四十五引

云律咎繇遺訓也無末句 大典本附錄第十九條注云出御覽

天為有形之主君為有國之主天以春生猶君之有仁令也天以秋殺猶君之有威令也故仁令之發天下樂之威令之發天下畏之樂之故樂從其令畏之故不敢違其令若寬令發而人不樂無以稱仁矣威令發而下不畏無以言威矣無仁可樂無威可畏能保國致治者未之有也

御覽六百三十八 大典本附錄失載

若親貴犯罪大者必議小者必赦是縱封豕於墳

內放長蛇大典本於左右也於左右也太平御覽六百五十二 大典本附錄第二十條注云出

御覽

魏明帝以高山制似通天遠遊乃毀變先形令行人使者

服之太平御覽六百八十五 晉書輿服志宋書禮志引云魏明帝以其制似通天遠遊故改令卑下 大典本附錄失載

失載

幡先未有歧荀文若巾觸樹成歧時人慕之因而勿改今通為慶弔之服白紗為之或單或袂初婚冠送餞亦服之

太平御覽六百八十八 大典本附錄第三十二條注云出御覽

魏明帝疑三公袞冕之服似天子減其采章太平御覽六百九十 大典本附錄失載

錄失載

以雲母飾車謂之雲母車臣下不得乘時賜王公貴臣

御覽七百七十五 大典本附錄失載

陸田者命懸于天也人力雖修水旱不時則一年之功棄矣水据意林補田制之由人人力苟修則地利可盡天時不如

地利地利不如人和太平御覽八百二十一引至一年之功棄矣句止 又五十六

林五引無末二句 大典本附錄第二十二條注云出御覽

金根車天子親耕乘之太平御覽八百二十二條注云出御覽

夷吾為政士三妻者逐於境外女三家者入於春隸也太平御覽八百二十九條注云出御覽

鴻不學飛飛則冲天驥不學行行則千里二世修驪山陵

御覽八百二十九大典本附錄失載

採玉者傾山採珠者蔽海太平御覽九百十六大典本附錄失載

丈夫重義如太山輕利如鴻毛可謂仁義也諺曰己是而

彼非不當與非爭彼是而已非不當與非平是也太平御覽九百

十六按諺曰四句意林引作魏子 大典本附錄失載

鴨足何以販雞足何以斲販斲吾不知也何況問天地乎

太平御覽九百十九大典本附錄第十五條注云出御覽

先王之制九州異賦天不生地不養君子不以爲禮若河

內諸縣去北山絕遠而各調出御上黨真人參上者十斤

下者五十斤所調非所生民以爲患太平御覽九百九十一

二十一條注云出御覽

追鋒車施通懔遠則乘之事類賦十六太平御覽七百七十五引云有追鋒車施通懔

車 大典本附錄弟四十條注云出御覽

管仲之書過半是後之好事者所加乃說管仲死後事其

輕重篇尤復鄙俗通鑑外紀一困學紀聞十

自敘

傅氏之先出自陶唐傳說之後立字休奕子咸字長虞晉

書有傳宋本意林五 武英殿本意林誤入物理論

夢攀日月覺而不上天庭夢入九泉寤而不及地下高宗

得說偶中耳太平御覽三百九十七 大典本附錄弟十六條注云出御覽

說身隱胥餘築于巖穴天下莫之知而不問不可謂之靜

而安乎原本北堂書鈔百五十八

傅燮字南容奉寡嫂甚謹食孤姪如赤子太平御覽五百十二 大典本

附錄失載

長沙胡兆鸞初校

湘潭劉肇隅覆校

傅子卷三終

傅子訂譌一卷

長沙葉德輝校刊

或曰恥者其至乎曰未也夫至者自然由仁何恥之有赴谷必墜失水必溺人見之也赴穿必陷失道必沈人不見之也不察之故君子慎乎所不察不聞大論則志不宏不聽至言則心不固思唐虞于上世瞻仲尼于中古而知夫小道者之足羞也相伯夷于首陽省四皓于商山而知夫穢志者之足恥也存張騫于西極念蘇武于朔垂而知懷閭室者之足鄙也析斯類也無所不至矣德比于上欲比于下德比于上故知恥欲比于下故知足恥而知之則聖賢其可幾知足而已則固陋其可安也聖賢斯幾況其慝

乎固陋斯安況其爲侈乎是謂有檢純乎純哉其上也其次得概而已矣莫匪概也漸其概苟無邪斯可矣君子內省其身怒不亂德善不亂義也荀悅申鑒雜言

右一事大典本傅子誤入仁論篇按治要本不載

古之人目短于自見故以鏡觀面智短于自知故以道正

己鏡無見疵之罪道無明過之惡面失鏡則無以正鬢眉

身失道則無以知迷惑韓非子說林觀行第二十四

右一事大典本傅子作鏡總敘篇按初學記二十五鏡

部總敘引此文正作韓子大典本蓋誤以初學記部目

爲標題又誤以韓子爲傅子耳

世質則官少世文則吏多有虞氏官五十夏后氏百殷二

百周三百宋本意林五引傅子

右一事大典本作官人篇按治要本不載見宋本意林

引無篇名 武英殿本意林誤入楊泉物理論今從

宋本意林刪篇名附卷三逸文內

懸千金于市市人不敢取者分定也委一金于路兒童爭

之者分不定也太平御覽八百十引傅子兩也字作矣兒童作童子

朱生善彈琴琵琶雖伯牙之妙無加也藝文類聚四十四引傅子云朱生善

彈琵琶雖伯牙之妙舞無以加之 太平御覽五百八十三引同類聚妙下無舞字

右二事大典本傅子附錄注云出諸子瓊林按諸子瓊

林明人撰 四庫未收御覽類聚均在諸子瓊林以

前故引附卷三逸文內

木大者發越小者敷揚土是人之母也故人有戀土之心

宋本意林五引
楊泉物理論

買鄰人價貴宅宅可買鄰不可得也

宋本意林五引物理
論按初學記居處
部引物理論云買宅者先卜鄰馬太平御覽州郡
部引同又引云買鄰之直貴于買宅

冠堯之冠行桀之行亦桀也服桀之服行堯之行亦堯也

處市井之肆服君子之服在小人之中行賢哲之事猶夜

行佩珠玉也亦灼然矣

宋本意林五
引物理論

蜘蛛作羅蜂之作窠其巧亦妙矣況復人乎

宋本意林五
引物理論

太平御覽藝術部引云夫蜘蛛之羅
網蜂之作巢其巧妙矣而況于人乎

黃金累千不如一賢

宋本意林五引物理論
類聚二十太平御覽四百二

人而無廉恥猶衣服之無縫殺食味之無酸醎

宋本意林
五引物理

論

郭林宗謂仇季智曰子嘗有過否季智曰暮飯牛牛不食

搏牛一下

宋本意林五引物理論
吳淑事類賦牛
賦注太平御覽八百九十九引作牛子

語曰士非璧也談者為價談者之口猶愛憎之心

宋本意
林五引

物理論藝文類聚八十四
太平御覽
八百六引云語曰士非玉璧談者為價

智慧多則引血氣如燈火之於脂膏炷大而明明則膏消

炷小而暗暗則膏息息則能長久也

宋本意林五引物理
論太平御覽八百

七十引
作秦子

雄聲而雌視者虛偽人也氣急而聲重者敦實人也

宋本
意林

五引物
理論

蒙恬築長城人不堪苦白骨山積乃有歌曰生男慎勿舉

生女哺用脯不見長城下白骨相撐挂

宋本意林五引物
理論三水經河水

注太
平御覽

作黃金者是方士取草屑合金燒之草屑燃金落下

宋本
意林

五引物
理論

右十二事宋本意林作物理論

武英殿本意林誤

作傅子今據羣書引者互證實物理論文故前不入載

附辨于此

長沙任 壬初校

長沙胡兆鸞覆校



